



漢書門
 類號函架冊
 二〇二
 二〇二
 二〇二

內閣文庫
 類號冊架函
 二〇二
 二〇二
 二〇二

內閣文庫	
番號	漢 4404
冊數	22 (1)
函號	279 4

279-4



國子監祭酒臣吳士元等

欽奉

聖旨據奏書板修補已完具見

勤恪着該衙門刷印裝潢

進

誠惶誠恐稽首頓首竊惟
明君設史以正國維大聖續詩
用存王迹故賢如游夏不
贊春秋之一辭而識遜南
狐疇奮晉齊之特簡大道

既隱作者其誰惟前事之
著明備後王之法戒歷稽
往牒代有聞人子長以蠶
室操觚易紀傳編年已爲
變體孟堅錄蘭臺受詔合

家庭纂述備厥弘裁雖非
六藝之微言可謂當時之
信史范蔚宗菁華掩映不
失二漢遺風陳承祚朱紫
混淆孰定三分成案自偏

安漸移江左而僞國幾徧
寰中南北沸羹萃戎莫辨
隋唐踵武正閏攸分惜藩
鎮乘權不減竊據曾無數
十載之承平從太宗授簡

以至徵邴具有二三策之
可取迨歐陽撫五代之紀
暨阿魯緝兩宋之編然金
之鑠遼犬羊互噬猶爲物
理之嘗若元之代宋冠履

無章大值天行之變文雖
充棟義取從繩假令內夷
外華彝叙等於弁髦曷貴
如椽之筆必也推見至隱
貞邪不爽毫髮方稱照乘

之珠昔

世廟俞修史于監臣更標目爲廿

一比

神宗梓諸經於

國學遂接軌乎十三惟是剗

剔多年有如追蠡縱使纓

紳濡管孰辨魯魚幸遇

聖明闡繹之弘謨益徵

昭代表章之曠典貫仍求舊

命則惟新茲蓋伏遇

皇帝陛下

泰運宏開

離輝遠覽

玄珠在握不忘赤文綠字之

珍

藻火流光盡發金簡玉書之

秘永懷寸衷之兢業欲鑒

古以觀今不踰半載之蒐

羅遂鎔經而鑄史乃睠太

學爰命徵臣董僚屬以編

摩餼工師而省試槩鉛屢
易宵旦增修畫無細而必
詳期不淆乎黑白文有疑
而卽闕敢妄肆乎雌黃臣
鼯鼠技窮醯雞識淺兩勤

睿詔何啻褒袞之榮三復

恩綸彌切飲冰之懼勉窮臣力

遙副

聖懷雖拳曲不材恥丹唇而學
史顧納約自牖攄素悃以

颺言創守維艱天命不易
從古君咨臣儆獨患簾遠
堂高察吏安民有三元五
鳳之紀用賢納諫在貞觀
慶曆之間欲保盈成觀永

光天寶所以倦勤丕承家
法想建中熙寧因何隳績
彼秦強隋富元大不加意
本根終非正統若漢吏唐
將宋儒能畱神採擇足補

英猷翰墨常懸列辟之嘉
謨畢見殷鑒不遠三季之
往轍可思伏願

主善爲師

與治同道茹其實不溺其文惟

知要乃能守約規其美自
易其過欲茲後必且懲前
史以文經以道兼總條貫治
大集於九成

王之範帝之模峻極穹窿功

王罔虧於一簣臣等無任瞻

天仰

聖激切屏營之至謹奉

表上

進以

聞

崇禎六年十一月二十九日

奉

聖旨覽進二十一史具見悃忱

該部知道欽此

史記索隱序

朝散大夫國子博士弘文館學士河內司馬貞
史記者漢太史司馬遷父子之所述也遷自以承五百
之運繼春秋而纂是史其裒貶覈實頗亞於丘明之書
於是上始軒轅下訖天漢作十二本紀十表八書三十
系家七十列傳凡一百三十篇始變左氏之體而年載
悠邈簡冊闕遺勒成一家其勤至矣又其屬稿先據左
氏國語系本戰國策楚漢春秋及諸子百家之書而後
貫穿經傳馳騁古今錯綜彙括各使成一國一家之事
故其意難究詳矣比於班書微爲古質故漢晉名賢未

知見重所以魏文侯聽古樂則唯恐臥良有以也逮至
晉末有中散大夫東莞徐廣始考異同作音義十三卷
宋外兵參軍裴駙又取經傳訓釋作集解合爲八十卷
雖粗見微意而未窮計論南齊輕車錄事鄒誕生亦作
音義三卷音則微殊義乃更略爾後其學中廢貞觀中
諫議大夫崇賢館學士劉伯莊達學宏才鉤深探賾又
作音義二十卷比於徐鄒音則具矣殘文錯節異音微
義雖知獨善不見傍通欲使後人從何准的貞諛聞陋
識頗事鑽研而家傳是書不敢失墜初欲改更舛錯裨
補疎遺義有未通兼重註述然以此書殘缺雖多實爲
古史忽加穿鑿難允物情今止探求異聞採摭典故解
其所未解申其所未申者釋文演註又爲述贊凡三十
卷號曰史記索隱雖未敢藏之書府亦欲以貽厥孫謀
云

史記索隱序終

史記索隱後序

夫太史公記事上始軒轅下訖天漢雖博采古文及傳記諸子其間殘缺蓋多或訪搜異聞以成其說然其人好奇而詞省故事覈而文徵是以後之學者多所未究其班氏之書成於後漢彪旣依遷而述所以條流更明且又兼采衆賢羣理畢備故其旨富其詞文是以近代諸儒共所鑽仰其訓詁蓋亦多門蔡謨集解之時已有二十四家之說所以於文無所滯於理無所遺而太史公之書旣上序軒黃中述戰國或得之於名山壞宅或取之以舊俗風謠故其殘文斷句難究詳矣然古今爲

註解者絕省音義亦希始後漢延篤乃有音義一卷又別有音隱五卷不記作者何人近代鮮有二家之本宋中散大夫徐廣作音義一十卷唯記諸本異同於義少有解釋又中兵郎裴駟亦名家之子也作集解註本合爲八十卷見行於代仍云亦有音義前代久已散亡南齊輕車錄事鄒誕生亦撰音義三卷音則尚奇義則罕說隋祕書監柳顧言尤善此史劉伯莊云其先人曾從彼公受業或音解隨而記錄凡三十卷隋季喪亂遂失此書伯莊以貞觀之初奉勅於弘文館講授遂采鄒徐二說兼記憶柳公音旨遂作音義三十卷音及周備義則更略惜哉古史微文遂由數賢祕寶故其學殆絕前朝吏部侍郎許子儒亦作註義不覩其書崇文館學士張嘉會獨善此書而無註義貞少從張學晚更研尋初以殘缺處多兼鄙褚少孫誣謬因憤發而補史記遂兼註之然其功殆半乃自唯曰千載古良史難更然因退撰音義重作贊述蓋欲以剖盤根之錯節遵北轅於司南也凡爲三十卷號曰史記索隱云

史記索隱後序終

補史記序

小司馬氏

太史公古之良史也家承二正之業人當五百之運兼
 以代為史官親掌圖籍慨春秋之絕筆傷舊典之闕文
 遂乃錯綜古今囊括記錄本皇王之遺事採人臣之故
 實爰自黃帝迄于漢武歷載悠邈舊章罕補漁獵則窮
 於百氏筆削乃成於一家父作子述其勤至矣然其敘
 勸褒貶頗稱折衷後之作者咸取則焉夫以首創者難
 為功因循者易為力自左氏之後未有體制而司馬公
 補立紀傳規模別為書表題目莫不本紀十二象歲星

之一周八書有八篇法天時之八節十表放剛柔十日
三十世家比月有三旬七十列傳取懸車之暮齒百三
十篇象閏餘而成歲其間禮樂刑政君舉必書福善禍
淫用垂炯誠事廣而文局詞質而理暢斯亦盡美矣而
有未盡善者具如後論雖意出當時而義非經遠蓋先
史之未備成後學之深疑借如本紀敘五帝而闕三皇
世家載列國而有外戚邾許春秋次國略而不書張吳
敵國蕃王抑而不載並編錄有關竊所未安又列傳所
著有管晏及老子韓非管晏乃齊之賢卿卽如其例則
吳之延陵鄭之子產晉之叔向衛之史魚盛德不闕何
爲蓋闕伯陽清虛爲教韓子峻刻制法靜躁不同德刑
斯舛今宜柱史共漆園同傳公子與商君並列可不善
歟其中遠近乖張詞義踳駁或篇章倒錯或贊論麤疎
蓋由遭逢非罪有所未暇故十篇有錄無書是也然其
網絡古今敘述懲勸異左氏之微婉有南史之典實所
以揚雄班固等咸稱其有良史之才蓋信乎其然也後
褚少孫亦頗加補綴然猶未能周備貞業謝頴門人非
博古而家傳是學頗事討論思欲續成先志潤色舊史
輒黜陟陞降改定篇目其有不備並採諸典籍以補闕
遺其百三十篇之贊記非周悉並更申而述之附于衆

篇之末雖曰狂簡必有可觀其所改更其條于後至如
徐廣唯略出音訓兼記異同未能考覈是非解釋文句
其裴駙實亦後進名家博採羣書專取經傳訓釋以為
集解然則時有冗長至於盤根錯節殘缺純繆咸拱手
而不言斯未可謂通學也今輒按古今仍以裴為本兼
自見愚管重為之註號曰小司馬史記然前朝顏師古
止註漢史今並謂之顏氏漢書貞雖位不逮顏公既補
史舊兼下新意亦何讓焉

補史記序終

史記集解序

裴駙

司馬貞索隱曰駙字龍駒河東聞喜人宋
中郎外兵曹參軍父松之字世期大中
天注三國志宋書父子同傳正義曰裴
駙採九經諸史并漢書音義及衆書之目
而解史記故題史記集解序序緒也孫炎
云謂端緒也孔子作易對子夏作詩序之
義其來尚矣

班固有言曰

索隱曰固撰漢書作司馬遷傳詩其作史
記所採之書兼論其得失故裴駙此序先

引之為說也按固字孟堅扶風人後漢明帝時仕
至中護軍祖稱廣川太守父彪徐令續太史公書

遷

正義曰字子長左馮翊人也漢武帝時為太
史令撰史記百三十篇父談亦為太史令

國語

索隱曰仲尼作春秋經魯史左丘明作傳合三十
篇故曰左氏傳國語亦丘明所撰上起周穆王下

訖敬王其諸侯之事起魯莊
公迄春秋末凡二十一篇

采世本戰國策

索隱曰劉
向云世本

古史官明於昔事者之所記也錄黃帝已來帝王諸侯
 及卿大夫系論名號凡十五篇也戰國策高誘云六國
 時縱橫之說也一日短長書亦曰國事劉向撰為三十
 三篇名曰戰國策按此是班固取其後名而書之非遷
 時已名述楚漢春秋索隱曰漢中大夫楚人陸賈所撰
 戰國策撰記項氏與漢高祖初起及說惠
 文間接其後事訖于天漢索隱曰武帝年號書太史公
 其言秦漢詳矣至於采經摭傳索隱曰按字書分散
 數家之事甚多疏略或有抵牾音吾故反抵者觸也音
 亦斜相抵觸之名按今屋梁上斜柱是也斜觸謂之牾
 下觸謂之抵牾牾音其參差也以言彼此二文同出一
 家而自亦其所涉獵者廣博貫穿經傳馳騁古今上下
 相乖舛亦其所涉獵者廣博貫穿經傳馳騁古今上下
 數千載間斯已勤矣正義曰言作史記採經傳百家之
 也錄又其是非頗繆於聖人索隱曰聖人謂周公孔子也

太史公乃先黃老崇勢利是謬於聖人○正義曰太史
 公史記各顯六家之宗黃老道家之宗六經儒家之首
 序游俠則退處士述貨殖則崇勢利處士賤貧原憲非
 病夫作史之體務涉多時有國之規備陳臧否天人地
 理咸使該通而遷天縱之才述作無滯故異周孔之道
 班固詆之裴駟引序亦通人之蔽也而固作漢書與史
 記同者五十餘卷謹寫史記少加異者不弱即劣何史
 非剝史記乃是後士妄非前賢又史記五十二萬六千
 五百言敘二千四百一十三年事漢書八十一萬言敘
 二百一十五年事司馬遷引父致意班固父情而蔽之
 優劣可知論大道則先黃老而後六經正義曰大道者皆
 知矣道在天地之前先天地生不知其名字之曰道黃
 帝老子遵崇斯道故太史公論大道須先黃老而後六
 經序游俠則退處士而進姦雄索隱曰游俠謂輕死重
 游從也行也俠挾也持也言能相從游行挾持之事述
 又曰同是非曰俠○正義曰姦雄姦猶雄豪之人
 貨殖正義曰殖生也則崇勢利而羞賤貧正義曰趨
 貨殖言貨物滋生也則崇勢利而羞賤貧利之人此

萬曆二十六年刊

史記序

八

其所蔽也正義曰此三者是司馬遷不達理也然自劉向揚雄博極羣書

皆稱遷有良史之才服其善序事理辨而不華質而不

俚索隱曰俚音里劉德曰俚即鄙也崔浩云世有鄙俚之語則俚亦野也謂詞不鄙樸其文直其

事核不虛美不隱惡故謂之實錄駟以為固之所言世

稱其當正義曰駟音因當音丁浪反裴駟以鞅固雖時所論司馬遷史記是非世人稱鞅固之言

有紕繆索隱曰紕音匹之反紕猶錯也亦作性字書云織者兩絲同齒曰性繆亦與繆同實勒

成一家正義曰雖有小紕繆實編勒成一家之書矣總其大較索隱曰較音角較猶略也

○正義曰較明也信命世之宏才也索隱曰按孟子必有名世者趙岐曰名世次聖之才物來能名此考

較此書文句不同有多有少莫辯其實而世之惑者定

彼從此是非相質真偽舛雜正義曰質音茂舛音昌轉或定彼從此本更相貿易

真偽雜亂不能辯其是非故中散大夫東莞徐廣研核

衆本為作音義正義曰作音義八十三卷裴駟為注散入百三十篇具列異同兼

述訓解正義曰徐作音義具列異同之本兼述訓解釋也粗有所發明而殊恨

省略索隱曰殊絕也左傳曰斬其木不殊言絕恨其所撰太省略也○正義曰省音山景反聊以

愚管索隱曰按東方朔云以管窺天以蠡測海皆喻小也然此語本出莊子文今云愚管者是駟謙言已

不能遠大也增演徐氏正義曰演音芋善反增益也言裴駟更增益演徐氏之說

采經傳百家并先儒之說正義曰採取也或取傳說採諸子百家兼取先儒之義先

儒謂孔安國鄭玄服虔賈逵正義曰採取也或取傳說採諸子百家兼取先儒之義先

等是也言百家廣其非一豫是有益悉皆抄內正義曰並

採經傳之說有裨益史記刪其游辭取其要實正義曰刪音師

盡抄內其中抄音楚交反

同姓則能生疾晉侯聞子產之言曰博物君子也
妄言未學蕪穢舊史豈足以
關諸畜德庶賢無所用心而已
索隱曰關預也畜德謂積德多學之人也裴氏謙言已今此集解豈足關預於積學多識之士乎正是冀望聖賢勝於飽食終日無所用心愈於論語不有博奕者乎
之人耳

史記集解序終

史記正義論例諡法解

諸王侍讀宣議郎守右清道率府長史張守節上

論史例

古者帝王右史記言左史記事言爲尚書事爲春秋太史公兼之故名曰史記并採六家雜說以成一史備論君臣父子夫妻長幼之序天地山川國邑名號殊俗物類之品也太史公作史記起黃帝高陽高辛唐堯虞舜夏殷周秦訖于漢武帝天漢四年合二千四百一十三年作本紀十二象歲十二月也作表十象天之剛柔十日以記封建世代終始也作書八象一歲八節以記天

地日月山川禮樂也作世家三十象一月三十日三十
輻共一轂以記世祿之家輔弼股肱之臣忠孝得失也
作列傳七十象一行七十二日言七十者舉全數也餘
二日象閏餘也以託王侯將相英賢略立功名於天下
可序列也合百三十篇象一歲十二月及閏餘也而太
史公作此五品廢一不可以統理天地勸獎箴誡爲後
之楷模也

論注例

史記文與古文尚書同者則取孔安國注若與伏生尚
書同者則用鄭玄王肅馬融所釋與三傳同者取杜元
凱服虔何休賈逵范甯等注與三禮論語孝經同者則
取鄭玄馬融王肅之注與韓詩同者則取毛傳鄭箋等
釋與周易同者則依王氏之注與諸子諸史雜書及先
儒解釋善者而裴駘並引爲注又徐中散作音訓校集
諸本異同或義理可通者稱一本云又一本云自是別
記異文裴氏亦引之爲注也

論字例

史漢文字相承已久若悅字作說闕字作間智字作知
汝字作女早字作蚤後字作后旣字作漑勅字作飭制
字作制此之般流緣古少字通用之史漢本有此古

字者乃為好本程邈變篆為隸楷則有常後代作文隨時改易衛宏官書數體呂忱或字多奇鍾王等家以能為法致令楷文改變非復一端咸著秘書傳之歷代又字體乖日久其黼黻之字法從爾丁履今之史本則有從端音端秦本紀云天子賜孝公黼黻音鄒誕生音甫弗而鄒氏之前史本已從端矣如此之類並即依行不可更改若其龜鼉從龜辭從舌覺學從與泰恭從小匱匠從走巢藻從果耕籍從禾席下為帶美下為大裒下為衣極下為點析傍著片惡上安西餐側出頭離邊作禹此之等類例直是訛字寵勅勇字為錫音陽以支章後代文

問分將无混無若茲之流便成兩失

論音例

史文與傳諸書同者劉氏並依舊本為音至如太史公改五帝本紀便章百姓便程東作便程南譌便程西成便在伏物咸依見字讀之太史變尚書文者義理特美或訓意改其古澀何煩如劉氏依尚書舊音斯例蓋多不可具錄著在正義隨文音之君子宜詳其理庶明太史公之達學也然則先儒音字比方為音至魏秘書孫炎始作反音又未甚切今並依孫反音以傳後學鄭康成云其始書之也倉卒無字或以音類比方假借為之

趣於近之而已受之者非一邦之人其鄉同言異字同

音異於茲遂生輕重訛謬矣然方言差別固自不同河

北江南寂為鉅異或失存浮清或帶於重濁今之取捨

冀除茲弊夫質有精麤謂之好惡字並如心有愛憎稱為

好惡聲並去當體則為名譽音譽情乖則曰毀譽音餘自壞音于

反壞徹怪上音自斷徒緩反自刀斷端管反以刀耶也奢

審之也亦且反助復音伏又扶過古臥反核買反間

辭也句之語也復富反重也過越度也解自解也間

紀莫反畜許又畜先蘇前仙肩然尤羽求侯胡

反怡貽願詒並音直之止而脂砥祇並音旨惟維遺唯並音

反遺並音息偲司伺絲並音巨扈枝祇肢並音章祇歧並音

反其期旗棊蹠並音渠祈頡旂幾畿並音渠僖熙嬉

嘻並音許希晞晞並音虛霏妃菲駢並音芳飛非扉

肥音匪尸屍著詩書之巾居人斤筋舉欣篇偏

並音芳穿里李裏並音良至贄並音脂志之更利涖

並力吏力置寺嗣嗣並辭字符並侯自疾二置致躋驚

並陟器氣去既亟去吏冀概凡利既居未覆敷救

敷福副富鏡並府若斯清濁實亦難分博學碩材

乃有甄異此例極廣不可具言庶後學士幸留意焉

音字例

萬曆二十六年刊

文或相似音或有異一字單錄乃恐致疑兩字連文檢
尋稍易若音上字言上別之所音下字乃復書下有長
句在文中須音則題其字

發字例

古書字少假借蓋多字或數音觀義點發皆依平上去
入若發平聲每從寅起又一字三四音者同聲異喚一
處共發恐難辨別故略舉四十二字如字初音者皆為
正字不須點發

畜

許六反養也又許救反從訟容反隨也又縱容反南
六畜也又他六反聚也反相勸也又從用反侍數色具反曆數術數也又色五
從也又足用反恣也反次第也又色角反頻也

傳

逐戀反書傳也又逐全反卒子律反卒終也又蒼忽
相付也又張戀反驛也反急也尊忽反兵人也

辨

字體各別不辟君也徵也又頻亦反罪也開也疋亦反
辨故發之也辟邪也又疋或反論也又音避隱也又音

覓

反辟施書移反張也又武或反間紀閉反隙也又覓
與也又羊或反延也反間覓反間也又覓

復

符富反重也又音伏重直拱反尊也直龍反適聖石
也又音福徐役之也重疊也又直用反累也適反寬

張

革反責也又歷反大也又汜音沔水在成臯又音凡邑
也又音丁歷反大也又汜音沔水在成臯又音凡邑

在

定陶高帝卽位處也又樂音岳謂音樂也又音洛歡
音夷楚人呼土為汜橋也又樂音岳謂音樂也又音洛歡

也

覆敷富反蓋也又恐曲用反疑也又惡烏各反虜也
敷敷福反再也又恐曲用反疑也又惡烏各反虜也

也

謂於何也斷自相分也又端亂反斷疑事也解除結
也又核買反散也又佳債幾音機庶幾也又音祈近也

也

反怠墮也又核詐反縫解幾音機庶幾也又音祈近也
也又核買反散也又佳債幾音機庶幾也又音祈近也

萬曆二十六年刊

紀錄過光臥反度也罪過也又率所律反平例也幸伏
也徐廣云率即斂也又音色類反將帥也屈也立勿反曲也又音類也又音刷
反又時掌反元在物之上王也于方反人主也又于放反霸王
籍才昔反名籍也又薦籍也培勃回反補也又音升反
難乃且反危也使所使反棺音官反古玩反沈針甚反又
直今反又沈也任人今反又棺音官反古玩反造曹早
禁反厭沒也任人今反又棺音官反古玩反造曹早
到反妻費非味反用也又音秘
至也切帝反費邑也扶味反姓也

諡法解

惟周公旦太公望開嗣王業建功于牧野終將葬乃制
諡遂叙諡法諡者行之迹號者功之表古者有大功則賜之善號以爲

也稱車服者位之章也是以大行受大名細行受細名行

出於已名生於人名謂號諡

民無能名曰神一善

一德不懈曰簡一不

靖民則法曰皇靖安

平易不訾曰簡訾毀

德象天地曰帝同於

尊賢貴義曰恭尊事賢人

仁義所往曰王歸之

敬事供上曰恭也供奉

立志及衆曰公志無私也

尊賢敬讓曰恭敬有德讓有功

執應八方曰侯所執行方應之

既過能改曰恭言自

賞慶刑威曰君能行四者

執事堅固曰恭守正不移

從之成羣曰君民從之

愛民長弟曰恭順長接弟

揚善賦簡曰聖所稱得人所善得實所賦得簡

執禮御賓曰恭迎待賓也

敬賓厚禮曰聖厚於禮

比親之闕曰恭修德以益之

照臨四方曰明以明照之

尊賢讓善曰恭不專已善推於人

譖訴不行曰明逆知之故不行

威儀悉備曰欽威則可畏儀則可象

經緯天地曰文道成其

大慮靜民曰定思樹惠

道德博聞曰文無不知

純行不爽曰定行一不傷

學勤好問曰文不取

安民大慮曰定以慮

慈惠愛民曰文惠以

安民法古曰定不意

愍民惠禮曰文惠而

辟地有德曰襄取之

賜民爵位曰文與同

甲冑有勞曰襄與同

綏柔士民曰德安民以居

小心畏忌曰信思所

剛彊直理曰武剛無欲強不屈

質淵受諫曰釐深故

諫爭不威曰德不以威

有罰而還曰釐知難

威彊敵德曰武與有德

溫柔賢善曰懿生純

克定禍亂曰武以兵往

心能制義曰度制事

刑民克服曰武法以正民

聰明叡哲曰獻有通知

夸志多窮曰武大志行兵多所窮極

知質有聖曰獻而有所通

安民立政曰成政以安定

五宗安之曰孝五世之宗

淵源流通曰康性無忌

慈惠愛親曰孝周愛族親

溫柔好樂曰康好豐年勤民事

秉德不回曰孝順於德而不違

安樂撫民曰康無四方之虞

協時肇厚曰孝協合肇野

合民安樂曰康富而教之

執心克莊曰齊嚴能自

布德執義曰穆故穆

資輔就共曰齊資輔佐而共成

中情見貌曰穆性公露

甄心動懼曰頃甄精

容儀恭美曰昭有儀可象行恭可美

敏以敬慎曰頃疾於所慎敬

昭德有勞曰昭能勞謹

柔德安衆曰靖成衆使安

萬曆二十六年刊 史記正義 九

聖聞周達曰昭聖聖通合

恭已鮮言曰靖恭已正身少言而中

治而無眚曰平無災罪也

寬樂令終曰靖性寬樂義以善自終

執事有制曰平不任意

威德剛武曰圉禦亂

布剛治紀曰平施之政事

彌年壽考曰胡久也

由義而濟曰景川義而成

保民耆艾曰胡六十曰耆七十曰艾

耆意大慮曰景耆強也

布義行剛曰景以剛行義

追補前過曰剛勤善以補過

清白守節曰貞行清白執志固

猛以剛果曰威猛則少寬果敢行

大慮克就曰貞能大慮辨正而何

猛以彊果曰威強甚於剛

不隱無屈曰貞恒然無私

彊義執正曰威問正言無邪

辟土服遠曰桓以武正定

治典不殺曰刑秉常不衰

克敬動民曰桓敬以使之

大慮行節曰孝言成其節

辟土兼國曰桓兼人故啓土

治民克盡曰使克盡無思惠

能思辯衆曰元別之使各有次

好和不爭曰安生而少斷

行義說民曰元民說其義

道德純一曰思道大而德一

始建國都曰元非善之長何以始之

大省兆民曰思大親民而不殺

主義行德曰元以義為主行德政

外內思索曰思言求善

聖善周聞曰宣聞謂所聞善事也

追悔前過曰思思而能改

兵甲亟作曰莊以數征為嚴

行見中外曰愨表裏

敵國克服曰莊通邊國使能服

狀古述今日譽立言之稱

勝敵志強曰莊不撓故勝

萬曆二十六年刊

史記正義

卷

昭功寧民曰商

明有功者

死於原野曰莊

非嚴何

克殺秉政曰夷

秉政不任賢

屢征殺伐曰莊

釐之

安心好靜曰夷

政不爽

武而不遂曰莊

武功不成

執義揚善曰德

稱人之善

柔質慈民曰惠

知其性

慈仁短折曰懷

短折三十折未三十

愛民好與曰惠

與謂施

述義不克曰丁

不能成義

夙夜警戒曰敬

敬身急成

有功安民曰烈

以武立功

秉德尊業曰烈

合善典法曰敬

非敬何以善之

剛克為伐曰翼

伐功也

剛德克就曰肅

成其德使為終

思慮深遠曰翼

小心翼翼

執心決斷曰肅

言民果

外內貞復曰白

正而德始終一

不生其國曰聲生於外家

不勤成名曰靈任本性不見賢思齊

未家短折曰傷未家未娶

死而志成曰靈志事不

愛民好治曰戴好民治

死見神能曰靈有鬼不為厲

典禮不愆曰戴無過

亂而不損曰靈不能以治損亂

短折不成曰殤有知而天殤

好祭鬼怪曰靈不致遠

隱拂不成曰隱不以隱括改其性

極知鬼神曰靈其智能聽徹

不顯尸國曰隱以聞主國

見美堅長曰隱美過其命

殺戮無辜曰厲

官人應實曰知能信人

復恨遂禍曰刺去諫曰復反是曰恨

肆行勞祀曰悼放心勞於淫祀言不脩德

不思忘愛曰刺忘其愛已者

年中旱天曰悼年不稱志

萬曆二十六年刊

史記正義

蚤孤短折曰哀早未如人事

恐懼從處曰悼從處言險

恭仁短折曰哀體恭愛仁功未施

凶年無穀曰荒不務稼

好變動民曰躁徙數移

外內從亂曰荒家不治官不治

不悔前過曰戾知而不改

好樂怠政曰荒淫於聲樂息於政事

怙威肆行曰醜肆意行威

在國遭憂曰愍仍多喪

壅遏不通曰幽弱損不凌

在國逢難曰愍兵寇之事

蚤孤鋪位曰幽鋪位即位而卒

禍亂方作曰愍國無政動長亂

動祭亂常曰幽易神之班

使民悲傷曰愍苛政賊害

柔質愛諫曰慧以虛受人

貞心大度曰匡心正而用察少

名實不爽曰質不爽言相應

德正應和曰莫正其德應其和

溫良好樂曰良言其人可樂

施勤無私曰類無私唯義所在

慈和徧服曰順能使人皆服其慈和

思慮果遠曰明自任多近於專

博聞多能曰憲雖多能不至於大道

嗇於賜與曰愛言貪悞

滿志多窮曰惑自足者必不惑

危身奉上曰忠險不辭難

思慮不爽曰厚不差所思而得

克威捷行曰魏有威正敏行

好內遠禮曰煬朋淫於家不奉禮

克威惠禮曰魏雖威不逾禮

去禮遠眾曰煬不率禮不親長

教誨不倦曰長以道教之

內外賓服曰正言以正服之

肇敏行成曰直始疾行成言不深

彰義揜過曰堅明義以蓋前過

䟽遠繼位曰紹非其弟過得之

華言無實曰夸誕恢

好廉自克曰節自勝其情欲

萬曆二十六年刊

史記正義

七九

逆天虐民曰抗背尊大而逾之

好更改舊曰易變故改常

名與實爽曰繆言名美而實傷

愛民在刑曰克道之以政齊之以法

擇善而從曰比北方善而從之

除殘去虐曰湯

隱哀也景武也施德為文除惡為武辟地為襄服遠為

桓剛克為僖施而不成為宣惠無內德為平亂而不損

為靈由義而濟為景餘皆象也以其所為諡參其事行和會也勤

勞也尊脩也爽傷也肇始也怙恃也享祀也胡大也秉

順也就會也錫與也典常也肆放也康虛也獻聖也惠

愛也綏安也堅長也耆彊也考成也周至也懷思也武

法也布施也敏疾也速也載事彌文以前周書諡法周

代君王並取作諡故全寫一篇以傳後學

列國分野

○漢書地理志云本秦京師為內史顏師古云京師天子所居畿內也秦

并天下改立郡縣而京畿所統時號內史言其在內以別於諸郡守也百官表云內史周官秦因之掌治京師

景帝二年分置左內史右內史武帝太初元年更名京兆尹左內史名馮翊主爵中尉秦官掌列侯景帝六年

更名都尉武帝太初元年更名右扶風治內史與左馮翊京兆尹是為三輔也

秦地於天官東井輿鬼之分塋其界自弘農故關以西

京兆扶風馮翊北地上郡西河安定天水隴西南有巴蜀廣漢犍爲武都西有金城武威張掖酒泉敦煌又西南有牂牁越雋益州

魏地冀鵬參之分楚其界自高陵以東盡河東河內南有陳留及汝南之召陵滎彊新汲西華長平潁川之舞

陽鄆陵河南之開封中牟陽武酸棗卷

卷去權反

周地柳七星張之分楚今之河南洛陽穀城平陰偃師

鞏緱氏

韓地角元氏之分楚韓分晉得南陽郡及潁川之父城定陵襄城潁陽潁陰長社陽翟郊東接汝南西接弘農

得新安宜陽鄭今河南之新鄭及成臯滎陽潁川之崇

高城陽

趙地昴畢之分楚趙分晉得趙國北有信都真定常山又得涿郡之高陽莫州鄉東有廣平鉅鹿清河河間又得渤海郡之東平舒中邑文安東州成平章武河以北也南至浮水繁陽內黃斥丘西有太原定襄雲中五原上黨

燕地尾箕之分楚召公封於燕後三十六世與六國俱稱王東有漁陽右北平遼西遼東西有上谷代郡鴈門南有涿郡之易容城范陽北有新成故安涿縣薊鄉新

昌及渤海之安次樂浪玄菟亦宜屬焉

齊地虛危之分壄東有菑川東萊瑯耶高密膠東南有

秦山城陽北有千乘清河以南渤海之高樂高城重合

陽信西有濟南平原

魯地奎婁之分壄東至東海南有泗水至淮得臨淮之

下相睢陵僅取慮

宋地房心之分壄今之沛梁楚山陽濟陰東平及東郡

之須昌壽張今之睢陽

衛地營室東壁之分壄今之東郡及魏郡之黎陽河內

之野王朝歌

楚地翼軫之分壄今之南郡江夏零陵桂陽武陵長沙

及漢中汝南郡後陳魯屬焉

吳地斗牛之分壄今之會稽九江丹陽豫章廬江廣陵

六安臨淮郡

粵地牽牛婺女之分壄今蒼梧鬱林合浦交趾九真南

海日南

以前是戰國時諸國界域及相侵伐犬牙
深入然亦不能委細故畧記之用知大畧

史記正義論例諡法解終

史記補目錄

唐弘文館學士河內司馬貞著

三皇本紀

史記目錄

漢太史令龍門司馬遷著

皇明朝列大夫國子監祭酒臣劉應秋

承直郎國子監司業臣楊道賓等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

本紀卷一十二

年表卷一十

萬曆二十六年刊

史記目錄

八書卷八

世家卷三十

列傳卷七十

共一百三十卷

本紀

史記卷一

本紀第一

五帝

史記卷二

本紀第二

夏

史記卷三

本紀第三

殷

史記卷四

本紀第四

周

史記卷五

本紀第五

秦昭襄王

莊襄王

漢曆二十六年刊

史記目錄

史記卷六

本紀第六

秦始皇帝

二世皇帝

史記卷七

本紀第七

項羽

史記卷八

本紀第八

漢高祖

史記卷九

本紀第九

呂太后

史記卷十

本紀第十

孝文帝

史記卷十一

本紀第十一

孝景帝

史記卷十二

萬曆二十六年刊

史記目錄

三

本紀第十二

孝武帝

年表

史記卷十三

年表第一

三代世表

史記卷十四

年表第二

十二諸侯

史記卷十五

年表第三

六國

史記卷十六

年表第四

秦楚之際月表

史記卷十七

年表第五

漢興以來諸侯

史記卷十八

年表第六

高祖功臣侯

史記卷十九

年表第七

惠景間侯者

史記卷二十

年表第八

建元以來侯者

史記卷二十一

年表第九

建元以來王子侯者

史記卷二十二

年表第十

漢興以來將相名臣

八書

史記卷二十三

八書第一

禮

史記卷二十四

八書第二

樂

萬曆二十六年刊

史記目錄

五

史記卷二十五

八書第三

律

史記卷二十六

八書第四

歷

史記卷二十七

八書第五

天官

史記卷二十八

八書第六

封禪

史記卷二十九

八書第七

河渠

史記卷三十

八書第八

平準

世家

史記卷三十一

萬曆二十六年刊

史記目錄

世家第一

吳太伯

史記卷三十二

世家第二

齊太公

史記卷三十三

世家第三

魯周公

史記卷三十四

世家第四

燕召公

史記卷三十五

世家第五

管蔡

史記卷三十六

世家第六

陳杞

史記卷三十七

世家第七

衛康叔

萬曆二十六年刊

史記目錄

史記卷三十八

世家第八

宋微子

史記卷三十九

世家第九

晉

史記卷四十

世家第十

楚

史記卷四十一

世家第十一

越王句踐

史記卷四十二

世家第十二

鄭

史記第四十三

世家第十三

趙

史記卷四十四

世家第十四

高曆二十六年刊

史記目錄

魏

史記卷四十五

世家第十五

韓

史記卷四十六

世家第十六

田敬仲完

史記卷四十七

世家第十七

孔子

史記卷四十八

世家第十八

陳涉

史記卷四十九

世家第十九

外戚

史記卷五十

世家第二十

楚元王

史記卷五十一

萬曆二十六年刊

史記目錄

世家第二十一

荆燕

史記卷五十二

世家第二十二

齊悼惠王

史記卷五十三

世家第二十三

蕭相國

史記卷五十四

世家第二十四

曹相國

史記卷五十五

世家第二十五

留侯

史記卷五十六

世家第二十六

陳丞相

史記卷五十七

世家第二十七

絳侯

萬曆二十六年刊

史記目錄

史記卷五十八

世家第二十八

梁孝王

史記卷五十九

世家第二十九

五宗

史記卷六十

世家第三十

三王

列傳

史記卷六十一

列傳第一

伯夷

史記卷六十二

列傳第二

管晏

史記卷六十三

列傳第三

老子

申不害

莊子

韓非

史記卷六十四

列傳第四

司馬穰苴

史記卷六十五

列傳第五

孫武

吳起

史記卷六十六

列傳第六

伍子胥

史記卷六十七

列傳第七

仲尼弟子

史記卷六十八

列傳第八

商君鞅

史記卷六十九

列傳第九

蘇秦

史記卷七十

列傳第十

張儀

陳軫

犀首

史記卷七十一

列傳第十一

樗里子

甘茂

甘羅

史記卷七十二

列傳第十二

穰侯

史記卷七十三

列傳第十三

白起

王翦

史記卷七十四

列傳第十四

孟軻

淳于髡

慎到

騶奭

荀卿

史記卷七十五

列傳第十五

孟嘗君

萬曆二十六年刊

史記目錄

三

史記卷七十六

列傳第十六

平原君

虞卿

史記卷七十七

列傳第十七

信陵君

史記卷七十八

列傳第十八

春申君

史記卷七十九

列傳第十九

范雎

蔡澤

史記卷八十

列傳第二十四

樂毅

史記卷八十一

列傳第二十一

廉頗

藺相如

趙奢

李牧

史記卷八十二

萬曆二十六年刊

史記目錄

列傳第二十二

田單

史記卷八十三

列傳第二十三

魯仲連

鄒陽

史記卷八十四

列傳第二十四

屈原

賈誼

史記卷八十五

列傳第二十五

呂不韋

史記卷八十六

列傳第二十六刺客

曹沫

專諸

豫讓

聶政

荊軻

史記卷八十七

列傳第二十七

李斯

史記卷八十八

萬曆二十六年刊

史記目錄

五

列傳第二十八

蒙恬

史記卷八十九

列傳第二十九

張耳

史記卷九十

列傳第三十

魏貌

史記卷九十一

列傳第三十一

黥布

史記卷九十二

列傳第三十二

淮陰侯

史記卷九十三

列傳第三十三

韓王信

史記卷九十四

列傳第三十四

田儋

田橫

史記卷九十五

列傳第三十五

樊噲

酈商

夏侯嬰

灌嬰

史記卷九十六

列傳第三十六

張蒼

周昌

任敖

申屠嘉

韋賢

魏相

邴吉

黃霸

韋玄成

匡衡

史記卷九十七

列傳第三十七

酈食其

陸賈

朱建

史記卷九十八

列傳第三十八

傅寬

韋玄成

周繆

史記卷九十九

萬曆二十六年刊

史記目錄

列傳第三十九

劉敬

叔孫通

史記卷一百

列傳第四十八

季布

樂布

史記卷一百一

列傳第四十一

袁盎

鼂錯

史記卷一百二

列傳第四十二

張釋之

馮唐

史記卷一百三

列傳第四十三

石奮

衛綰

直不疑

周文

張叔

史記卷一百四

列傳第四十四

田叔

任安

史記卷一百五

高曆二十六年刊

史記目錄

七

列傳第四十五

扁鵲

倉公

史記卷一百六

列傳第四十六

吳王濞

史記卷一百七

列傳第四十七

竇嬰

田紛

灌夫

史記卷一百八

列傳第四十八

韓安國

史記卷一百九

列傳第四十九

李廣

史記卷一百十

列傳第五十

匈奴

史記卷一百一十一

列傳第五十一

萬曆二十六年刊

史記目錄

七

衛青

霍去病

公孫賀

李息

公孫敖

李沮

張次公

蘇建

趙信

張騫

李蔡

曹襄

韓蓋

郭昌

趙食其

荀彘

路博德

趙破奴

史記卷一百一十二

列傳第五十二

公孫弘

主父偃

史記卷一百一十三

列傳第五十三

南越尉佗

史記卷一百一十四

列傳第五十四

東越

史記卷一百一十五

列傳第五十五

朝鮮

史記卷一百一十六

列傳第五十六

西南夷

史記卷一百一十七

列傳第五十七

司馬相如

史記卷一百一十八

列傳第五十八

淮南厲王

淮南王安

衡山王

史記卷一百一十九

列傳第五十九循吏

孫叔敖

子產

公儀休

石奢

李離

史記卷一百二十

列傳第六十

汲黯

鄭當時

史記卷一百二十二

列傳第六十一儒林

申公

轅固生

韓生

伏勝

董仲舒

胡毋生

史記卷一百二十二

列傳第六十二酷吏

到都

甯成

周陽由

趙禹

張湯

義縱

王溫舒

楊僕

臧宣

杜周

史記卷一百二十三

列傳第六十三

大宛

烏孫

康居

奄蔡

大月氏

安息

史記卷一百二十四

列傳第六十四游俠

朱家

劇孟

郭解

史記卷一百二十五

列傳第六十五佞幸

鄧通

韓嫣

李延年

史記卷一百二十六

列傳第六十六滑稽

淳于髡

優孟

萬曆三十六年刊

史記目錄

三

優旃

東方朔

東郭先生

王先生

西門豹

史記卷一百二十七

列傳第六十七日者

司馬季主

史記卷一百二十八

列傳第六十八

龜策

史記卷一百二十九

列傳第六十四游俠

朱家

劇子而

郭解

史記卷一百二十五

列傳第六十五佞幸

鄧通

韓嫣

李延年

史記卷一百二十六

列傳第六十六滑稽

淳于髡

優孟

萬曆二十六年刊

史記目錄

優旃

東方朔

東郭先生

王先生

西門豹

史記卷一百二十七

列傳第六十七日者

司馬季主

史記卷一百二十八

列傳第六十八

龜策

史記卷一百二十九

列傳第六十九貨殖

范蠡

子貢

白圭

猗頓

卓氏

程鄭

宛孔氏

師史

任氏

史記卷一百三十

列傳第七十

太史公自序

史記目錄終

史記卷一上

三皇本紀第一上

唐國子博士弘文學士 河內司馬貞補撰并註

皇明朝列大夫國子監祭酒臣劉應秋

承直郎國子監司業臣楊道賓等奉

勅重較刊

皇明朝列大夫國子監祭酒臣吳士元

承德郎司業仍加俸一級臣黃錦等奉

旨重修

太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝以下故因以五帝本紀為首其實三皇已還載籍罕備然君臣之始教化之先既論古史不合全闕近代皇南謚作帝王代紀徐整作三五曆皆論三皇已來事斯亦近古之一證今並採而集之作三皇本紀雖復淺近聊補闕云

太皞庖犧氏風姓代燧人氏繼天而王母曰華胥履大

人迹於雷澤而生庖犧於成紀蛇身人首

按伏羲風姓出國語其華

胥以下出帝王世紀然雷澤澤名即舜所漁之地在濟陰成紀亦地名按天水有成紀縣

則觀象於天俯則觀法於地旁觀鳥獸之文與地之宜

近取諸身遠取諸物始畫八卦以通神明之德以類萬

物之情造書契以代結繩之政於是始制嫁娶以儷皮

為禮按譙周古史考伏羲制嫁娶以儷皮為禮也結網罟以教佃漁故曰宓

犧氏按事出漢書歷志必音伏養犧牲以庖廚故曰庖犧有龍瑞以

龍紀宮號曰龍師作三十五弦之瑟木德王注春令故

易稱帝出乎震月令孟春其帝太皞是也按位在東方象日之明故

稱太皞都於陳東封太山立一十一年崩按皇甫謐伏犧葬南郡或

曰冢在山陽高平之西也其後裔當春秋時有任宿須句顓臾皆風

姓之胤也女媧氏亦風姓蛇身人首有神聖之德代宓

犧立號曰女希氏無革造惟作笙簧按禮明堂位及世本皆云女媧作簧

故易不載不承五運一曰女媧亦木德王蓋宓犧之後

已經數世金木輪環周而復始特舉女媧以其功高而

充三皇故頻木王也當其末也諸侯有共工氏任智

刑以強霸而不王以水乘木乃與祝融戰不勝而怒乃

頭觸不周山崩天柱折地維缺女媧乃鍊五色石以補

天斷鼇足以立四極聚蘆灰以止滔水以濟冀州按其事出

淮南子也於是地平天成不改舊物女媧氏沒神農氏作按

皇紀者不同譙周以燧人爲皇宋均以祝融爲皇而鄭
玄依春秋緯以女媧爲皇承伏犧皇甫謐亦同今依之
爲說 炎帝神農氏姜姓母曰女登有媧氏之女爲少典
也

如感神龍而生炎帝人身牛首長於姜水因以爲姓按國

語炎帝黃帝皆少典之子其母又皆有媧氏之女據諸
子及古史考炎帝之後凡八代五百餘年軒轅氏代之
豈炎帝黃帝是昆弟而同母氏乎皇甫謐以爲少典有
媧代諸侯國號然則姜姬二帝同出少典氏黃帝之母
又是神農母氏之後代女
所同是有媧氏之女也 火德王故曰炎帝以火名官

斲木爲耜操木爲耒耨之用以教萬人始教耕故號
神農氏於是作蜡祭以赭鞭鞭草木始嘗百草始有醫

藥又作五弦之瑟教人日中爲市交易而退各得其所
遂重八卦爲六十四爻初都陳後居曲阜按今淮陽有神農井又左

傳曾有大庭氏之庫是也 立一百二十年崩葬長沙神農本起烈山

故左氏稱烈山氏之子曰柱亦曰厲山氏禮曰厲山氏

之有天下是也按鄭玄云厲山神農所起亦曰有烈山
山皇甫謐曰厲山今隨之厲鄉也 神

農納奔水氏之女曰聽諛爲妃生帝哀哀生帝克克生

帝榆罔凡八代五百三十年而軒轅氏興焉按神農之
後凡八代

事見帝王代紀及古史考然古典亡矣祝誰望二代皆
前聞君子考按古書而爲此說豈至今鑿空乎此紀亦
據以爲說其易稱神農氏沒卽
榆罔榆罔猶襲神農之號也 其後有州甫甘許戲露

齊紀怡向申呂皆姜姓之後並爲諸侯或分四岳當周
室甫侯申伯爲王賢相齊許列爲諸侯霸於中國蓋聖

人德澤廣大故其祚胤繁昌久長云一說三皇謂天皇

地皇人皇爲三皇既是開闢之初君臣之始圖緯所載

不可全弃故兼序之天地初立有天皇氏十二頭澹泊

無所施爲而俗自化木德王歲起攝提兄弟十二人立

各一萬八千歲蓋天地初立神人首出行化故其年世長久也然言十二頭者非謂一人之身

有十二頭蓋古質比之鳥獸頭數故也地皇十一頭火德王姓十一人興

於熊耳龍門等山亦各萬八千歲人皇九頭乘雲車駕

六羽出谷口兄弟九人分長九州各立城邑凡一百五

十世合四萬五千六百年天皇已下皆出河圖及三五曆也自人皇已

後有五龍氏五龍氏兄弟五人並乘龍上下故曰五龍氏也燧人氏按其君鑽燧出火教

人熟食在伏犧氏前大庭氏栢皇氏中央氏卷須氏周以爲二皇之首也

栗陸氏驪連氏赫胥氏尊盧氏渾沌氏昊英氏有巢氏

朱襄氏葛天氏陰康氏無懷氏斯蓋三皇已來有天下

者之號按皇甫謐以爲大庭已下一十五君皆襲庖犧之號事不經見難可依從然按古封太山者首

有無懷氏乃在大昊之前豈得如謐所說但載籍不紀莫知姓王年代所都

之處而韓詩以爲自古封太山禪梁甫者萬有餘家仲

尼觀之不能盡識管子亦曰古封太山七十二家夷吾

所識十有二焉首有無懷氏然則無懷之前天皇已後

年紀悠邈皇王何昇而告但古書亡矣不可備論豈得

謂無帝王耶故春秋緯稱自開闢至於獲麟凡三百二

十七萬六千歲分爲十紀凡世七萬六百年一曰九頭

紀二曰五龍紀三曰攝提紀四曰合維紀五日連通紀
六曰序命紀七日脩飛紀八曰回提紀九曰禪通紀十
曰流訖紀蓋流訖當黃帝時制九紀之間是以錄於此
補紀之也

史記卷一上終

史記卷一

五帝本紀第一

漢

太

史

今

龍

門

司

馬

遷

撰

宋

中

郎

外

兵

參

軍

河

東

裴

唐

國

子

博

士

弘

文

學

士

河

內

皇

明

朝

列

大

夫

國

子

監

祭

酒

勅

重

較

刊

皇

明

朝

列

大

夫

國

子

監

祭

酒

音

重

修

承

德

郎

司

業

仍

一

級

臣

黃

錦

等

奉

裴

駟

曰

凡

是

徐

氏

義

稱

徐

姓

是

駟

註

解

并

集

衆

家

義

○

司

記

也

本

其

事

而

記

之

故

曰

本

有

紀

而

帝

王

書

稱

記

者

言

為

義

曰

鄭

玄

注

中

候

勅

省

圖

云

稱

帝

又

坤

靈

圖

云

德

配

天

地

在

正

不

在

私

曰

帝

顯

項

帝

譽

堯

虞

舜

為

五

帝

譙

周

應

邵

朱

均

皆

同

而

孔

安

國

萬

曆

二

十

六

年

刊

行

已

一

尚書序皇甫謐帝王世紀孫氏注世本並以伏羲神農黃帝為三皇少昊顓頊高辛唐虞為五帝裴松之史目云天子稱本紀諸侯曰世家本者繫其本系故曰本紀者理也統理眾事繫之年月名之曰紀第者次序之日一者舉數之由故曰五帝本紀第一

黃帝者

徐廣曰號有熊○索隱曰按有土德之瑞土色黃故稱黃帝猶神農火德王而稱炎帝然也此以黃帝為五帝之首蓋依大戴禮五帝德又譙周宋均亦以為然而孔安國皇甫謐帝王代紀及孫氏註系本並以伏羲神農黃帝為三皇少昊高陽高辛唐虞為五帝註號有熊者以其本是有熊國君之子故也都軒轅之丘因以為名又以為號又據左傳亦號帝鴻氏也○正義曰按黃帝母曰附寶之祁野見大電繞北斗樞星感而懷孕二十四月而生黃帝於壽丘壽丘在魯東門之北今在兗州曲阜縣東北六里生日角龍顏有景雲之瑞以土德王故曰黃帝
少典之子 索隱曰少典者諸侯國號非人名也
又按國語云少典娶有嬌氏女而生炎帝然則炎帝亦少典之子炎黃二帝雖則承帝王代紀中間凡隔八帝

五百餘年若以少典是其父名豈黃帝經五百餘年而始代炎帝後為天子乎何其年之長也又按秦本紀云顓頊氏之裔孫曰女脩吞玄鳥之卵而生大業大業娶少典氏而生栢翳明少典是國號非人名也黃帝即少典氏後代之子孫賈逵亦以左傳高陽氏有才子八人亦謂其後代之子孫而稱為子是也譙周字允南蜀人魏散騎常侍徵不拜此註所引者是其所著古史考之說也皇甫謐字士安晉人號玄晏先生今所引者是其所作帝王
姓公孫名曰軒轅 索隱曰按皇甫謐云黃帝世紀也
為姓居軒轅之丘因以為名又以為姓
號是本姓公孫長居姬水因改姓姬
生而神靈弱而能言 索隱曰弱謂幼弱時也蓋未合能言之時而黃帝即言所以為神異也潘岳有哀弱子篇其子未七旬曰弱
幼而徇齊 徐廣曰墨子曰年踰十五則聰明心慮無疾速也○索隱曰斯文未明今案徇齊皆德也書曰聰明明齊聖左傳曰子雖齊聖齊謂聖德齊肅又按孔子家語及大戴禮並作獻齊一本作慧齊獻慧皆智也太史公採大戴禮而為此紀今彼文無作徇者史記舊本亦

有作濬齊蓋古字假借徇為濬濬深也義亦並通爾雅齊速俱訓為疾尚書大傳曰多聞而齊給鄭註云齊疾也今裴氏註云徇亦訓疾未見所出或當讀徇為迅迅於爾雅與齊俱訓疾則迅濬雖異字而音同也又爾雅曰宣徇遍也濬通也是遍之與通義亦相近言黃帝幼而才智周徧且辯給也

聰明 正義曰成謂年二十冠成人也聰明聞見明辯也此以上至軒轅皆大戴禮文軒轅之時

神農氏世衰 索隱曰世衰謂神農氏後代子孫道德衰薄非指炎帝之身即班固所謂參盧皇甫

謚所云帝偷罔是也○正義曰帝王世紀云神農氏姜姓也母曰任姁有嬌氏女登為少典妃遊華陽有神龍首感生炎帝人身牛首長於姜水有聖德以火德王故號炎帝初都陳又徙魯又曰魁隗氏又曰連山氏又曰列山氏括地志云厲山在隨州隨縣北百里山東有石

宛曰神農生於厲鄉所謂列山氏也春秋時為厲國

諸侯相侵伐暴虐百姓而神農氏弗能征於是軒轅乃習用干戈呂征不享 索隱曰謂用干戈以征諸侯之不朝享者一本或作亭亭訓直以征

諸侯咸來賓從而蚩尤最為暴莫能伐 應劭曰蚩尤古

不直者

天子瑋曰孔子三朝記曰蚩尤庶人之貪者○索隱曰

按此紀云諸侯相侵伐蚩尤最為暴則蚩尤非為天子

也又管子曰蚩尤受盧山之金而作五兵明非庶人蓋

諸侯號也劉向別錄云孔子見魯哀公問政比三朝退

而為此記故曰三朝凡七篇並入大戴禮今此文見用

真篇也○正義曰龍魚河圖云黃帝攝政有蚩尤兄弟

八十一人並獸身人語銅鐵額食沙造五兵杖刀戟大

弩威振天下誅殺無道萬民欽命黃帝行天子事黃帝

以仁義不能禁止蚩尤乃仰天而歎天遣玄女下授黃

帝兵符伏蚩尤後天下復擾亂黃帝遂畫蚩尤形像以

威天下咸謂蚩尤不死八方皆為殄滅山海經云黃帝

令應龍攻蚩尤蚩尤請風伯雨師以從大風雨黃帝乃

下天文曰魃以止雨雨止遂殺蚩尤炎帝欲侵陵諸侯諸

侯咸歸軒轅軒轅乃脩德振兵治五氣 王肅曰五 藝五 種 藝樹也詩云藝之荏苒周禮曰穀宜五種鄭玄曰五 種黍稷麥稻也○索隱曰藝音藝藝種也樹也五

種卽五穀也音朱用反此註所引見詩大雅生民之篇爾雅云荏菽戎也郭璞曰今之胡豆鄭氏曰豆之大者是也

撫萬民度四方正義曰度音徒洛反**教熊羆貔貅羆虎**索隱曰如

虎如貔爾雅云貔白狐禮曰前有擊獸則載貔貅是也爾雅又曰羆獾似狸此六者猛獸可以教戰周禮有服

不氏掌教擾猛獸卽古**以與炎帝戰於阪泉之野**服虔曰阪

泉地名皇甫謐曰在上谷○正義曰阪音白反括地志云阪泉今名黃帝泉在魏州懷戎縣東出五里至涿

鹿東北與涿水合晉太康地理志云涿鹿城東一里有阪泉上有黃帝祠按阪泉之野則干野之地也

戰然後得其志正義曰謂黃帝克炎帝之後**蚩尤作亂不用帝命於**

是黃帝乃徵師諸侯與蚩尤戰於涿鹿之野服虔曰涿

涿郡張晏曰涿鹿在上谷○索隱曰或作濁鹿古今字異耳按地理志上谷有涿鹿縣然則服虔云在涿郡者

也**遂禽殺蚩尤**皇覽曰蚩尤家在東平郡壽張縣鬪鄉城中高七丈民常十月祀之有赤氣出

也

女匹絳帛民名為蚩尤旗肩髀冢在山陽郡鉅野縣重

聚大小與鬪冢等傳言黃帝與蚩尤戰於涿鹿之野黃

帝殺之身體異處故別葬之○索隱曰按皇甫謐云黃

帝使應龍殺蚩尤于凶黎之谷或曰黃帝斬蚩尤于中

冀因名其地曰絕轡之野皇覽書名也記先代冢冢之

處宜皇王之省覽故曰皇覽是魏人王象繆襲等所撰

而諸侯咸尊軒轅為天子代神農氏是為黃帝天下有

不順者黃帝從而征之平者去之披山通道徐廣曰披

披字蓋當為披披者旁其邊之謂也披語誠合今世然

古今不必同也○索隱曰披音如字謂披山林草木而

行以通道也徐廣**未嘗寧居東至于海登丸山**徐廣曰

音誠恐稍迂也

丸駟案地理志曰丸山在郎耶朱虛縣○正義曰丸音

丸括地志云丸山卽丹山在青州臨朐縣界朱虛故縣

西北二十里丹水出焉丸音續守節按地志唯有丸山

蓋丸山丸山是一山耳諸處字誤或凡或凡也漢書郊

祀志云禪丸山顏師古云在朱虛**及岱宗**正義曰泰山

禹一十六年刊

史記卷一

帝紀

日

州博城 西至于空桐 應劭曰山名韋昭曰在隴右 登雞頭 索隱曰山名也後漢

王孟塞雞頭道在隴西一曰陜喇山之別名 〇正義曰

拓地志云空桐山在肅州祿福縣東南抱朴子肉篇云

黃帝西見中黃子受九品之方過空桐從廣成子受自

然之經卽此山括地志又云笄頭山一名陜喇山在原

州平陽縣西百里禹貢涇水所出輿地志云或卽雞頭

山也鄭元云蓋大隴山異名也莊子云廣成子學道陜

峒山黃帝問道於廣成子蓋在此按南至于江登熊湘

二處陜峒皆云黃帝登之未詳孰是 封禪書曰南伐至于召陵登熊山地理志曰湘山在長

沙益陽縣〇正義曰括地志云熊耳山在商州洛陽西

齊桓公登之以望江漢也湘山北逐葷粥 索隱曰匈奴

一名編山在岳州巴陵縣南 已上曰山戎亦曰熏粥夏曰淳維 合符釜山 索隱曰合

殷曰鬼方周曰玁狁漢曰匈奴 圭瑞而朝之於釜山猶禹會諸侯於塗山然也又按郭

子橫洞冥記稱東方朔云東海大明之墟有釜山出

瑞雲應王者之符命如堯時有赤雲之祥之類蓋黃帝

黃雲之瑞故曰合符應於釜山也〇正義曰括地志云

釜山在媯州懷戎 而邑于涿鹿之阿遷徙往來無常處

縣北山上有舜廟 以師兵爲營衛 正義曰環繞軍兵爲營以

官名皆以雲 命爲雲師 應劭曰黃帝受命有雲瑞故以雲紀事也春

黑雲中宮 置左右大監監于萬國 正義曰監上監去聲

爲黃雲 陝萬國和而鬼神山川封禪與爲多焉 徐廣曰多一作

萬曆二十六年刊

史記卷一

帝紀

五

嫫祖

徐廣曰祖一作姁嫫力進反。索隱曰嫫祖為黃

帝正妃

索隱曰按皇帝立四妃象后妃四星皇甫謚云元妃西陵氏女曰嫫祖生昌意次妃方雷氏女

曰女節生青陽次妃彤魚氏女生夷鼓一名蒼林次妃嫫母班在三人之下按國語夷鼓蒼林是二人又按漢書古今人表彤魚氏生夷鼓嫫母生蒼林不得如謚所說

生二子其後皆有天下其

一曰玄囂是為青陽

太史公曰據大戴禮以嫫祖生昌意及玄囂玄囂即青陽也皇甫謚

曰玄囂帝嚳之祖按皇甫謚及宋衷皆云玄囂青陽皆少昊也今此紀下云玄囂不得在帝位則太史公意青

陽非少昊明矣而此又云玄囂是為青陽當是誤也謂二人皆黃帝子並列其名所以前史因誤以玄囂青陽

為一人耳宋衷又云玄囂青陽是為少昊繼黃帝立者而史不叙蓋少昊金德王非五

運之次故叙五帝不數之也 青陽降居江水 正義曰括地志

云安陽故城在豫州新蔡縣西南八十里應 其二曰昌 劭云古江國也地理志亦云安陽古江國也

意降居若水

索隱曰降下也言帝子為諸侯降居江水

出旄牛徼外東南至故關為若水南過邛都又 昌意娶 東此至朱提縣為瀘江水是蜀有此二水也

蜀山氏女曰昌僕生高陽高陽有聖德焉

正義曰華陽國志及十三

州志云蜀之先肇於人皇之際黃帝為子昌意娶蜀山

氏後子孫因封焉帝顓頊高陽氏黃帝之孫昌意之子

母曰昌僕亦謂之女樞河圖云堯光如蜺貫月正白

感女樞於幽房之宮生顓頊首戴于戈有德文也 黃

帝崩 皇甫謚曰在位百年而崩年百一十一歲。索隱 曰按大戴禮宰我問孔子曰榮伊言黃帝三百年

請問黃帝何人也抑非人也何以至三百年乎對曰生

而人得其利百年死而人畏其神百年亡而人用其教

百年則士安之說略可憑矣。正義曰列仙傳云軒轅

自擇亡日與羣臣辭還葬橋山山崩棺空唯有劍舄在

焉 葬橋山 皇覽曰黃帝冢在上郡橋山。正義曰括地

志云黃帝陵在寧州羅川縣東八十里子午

山地理志云上郡陽周縣橋山南有黃帝冢按

陽周隋改為罷川爾雅云山銳而高曰橋也 其孫昌

意之子高陽立是為帝顓頊也

帝顓頊高陽者皇甫謐曰都帝丘今東郡濮陽是也○索隱曰宋衷云顓頊名高陽有天下號

也張晏曰高陽者所與地名也黃帝之孫而昌意之子也靜淵以有謀

疏通而知事養材以任地索隱曰言能養材物也任地大戴禮作養財載時

以象天索隱曰載行也言行四時以象天大戴禮作履時以象天履亦踐而行也依鬼神以

制義索隱曰鬼神聰明正直當盡心敬事因制尊卑之義故禮曰降於祖廟之謂仁義是也治氣

以教化索隱曰謂理四時五行之氣以教化萬人也絜誠以祭祀北至于幽

陵南至于交趾西至于流沙東至于蟠木海外經曰東海中有山焉名曰

度索上有大桃樹屈蟠三千里東北有門名曰鬼門萬鬼所聚也天帝使神人守之一名鬱壘主閱鎖萬鬼若

害人之鬼以葦索縛之射以桃弧投虎食也動靜之物小大之神日月所照

莫不砥屬王肅曰砥平也四遠皆平而來服屬○索隱曰依王肅音止屬據大戴禮作砥礪也帝

顓頊生子曰窮蟬索隱曰系本作窮係宋衷云一云窮系謚也○正義曰帝舜之高祖也

顓頊崩皇甫謐曰在位七十八年九年九十八年皇甫謐曰顓頊冢在東郡濮陽頓丘城門外廣陽中頓丘

者城門名頓丘道○索隱曰皇甫謐云據左氏歲在鶉火而崩葬東郡又山海經曰顓頊葬鮒魚山之陽九嬪

葬其陰也而玄囂之孫高辛立是為帝嚳

帝嚳高辛者張晏曰少昊之前天下之號象其德顓頊以來天下之號因其名高陽高辛皆所興

之地名顓頊與嚳皆以字為號上古質故也○索隱曰宋衷曰高辛地名因以為號嚳名也皇甫謐云帝嚳名

也黃帝之曾孫也高辛父曰蟠極正義曰蟠音居兆反本作橋音同又巨遙

反帝堯之祖也蟠極父曰玄囂玄囂父曰黃帝自玄囂與蟠極

皆不得在位至高辛即帝位皇甫謐曰都亳今河南偃師是高辛於顓

項為族子高辛生而神靈自言其名

正義曰帝王紀云帝嚳高辛姬姓也

其母生見其神異自言其名曰契嚳嚳有德年十五而佐顓頊三十登位都亳以人事紀官也普施利

物不於其身聰以知遠明以察微順天之義知民之急

仁而威惠而信脩身而天下服取地之財而節用之撫

教萬民而利誨之曆日月而迎送之明鬼神而敬事之

其色郁郁其德嶷嶷

索隱曰郁郁猶穆穆也嶷嶷德高也今按大戴禮郁作神嶷作侯

其動也時其服也士

索隱曰舉動應天時衣服服士服言其公且廉也帝嚳漑

執中而徧天下

徐廣曰古既字作水旁徧字一作尹○索隱曰即尚書允執厥中是也○正義

曰漑音既言帝嚳治民若水之漑漑平等而執中正遍於天下也

日月所照風雨所至

莫不從服帝嚳娶陳鋒氏女

正義曰鋒音峯又作豐帝王紀云帝嚳有四妃卜其

子皆有天下元妃有郇氏女曰姜嫄生后稷次妃有娥氏女曰簡狄生高次妃陳豐氏女曰慶都生放勳次妃嫫毘氏女曰常生放勳

正義曰放音方往及勳亦作勳故曰放勳論堯姓伊祁氏帝紀云帝堯陶唐氏祁姓也母慶都十四月生堯娶嫫毘氏女生

摯索隱曰案皇甫謐云女名常儀也帝嚳崩皇甫謐曰

年年百五歲皇覽曰帝嚳冢在東郡濮陽頓丘城南臺陰野中而摯代立帝摯立不善

崩索隱曰古本作不著音張慮反俗本作不善不善謂微弱不著猶不著明衛宏云摯立九年而唐侯德盛

因禪位焉○正義曰帝王紀云帝摯之母於四人中班最在下而摯於兄弟最長得登帝位封異母弟放勳焉

唐侯摯在位九年政微弱而唐侯德盛諸侯歸之摯服其義乃率羣臣造唐而致禪唐侯自知有天命乃受帝

禪乃封摯於高辛今定州唐縣也而弟放勳立是為帝堯

帝堯者謚法曰翼善傳聖曰堯○索隱曰堯論也放勳名帝嚳之子姓伊祁氏案皇甫謐云堯初生時

萬曆二十六年刊

史記卷一

其母在三阿之南寄於伊長孺之家故從母所居為姓也。正義曰徐廣云號陶唐帝王紀云堯都平陽於詩為唐國徐才宗國都城紀云唐國帝堯之裔子所封其北帝夏禹都漢曰太原郡在古冀州太行恒山之西其南有晉水括地志云今晉州所理平陽故城是也平陽河水一名晉水也。放勳徐廣曰號陶堯以甲申歲生甲辰即帝位甲午徵舜甲寅舜其仁如代行天子事辛巳崩年百十八在位九十八年。

天其知如神就之如日望之如雲富而不驕貴而不舒

索隱曰舒猶慢也。黃收純衣徐廣曰純一作紱駟案太古戴禮作不豫。禮記曰野夫黃冠鄭玄曰純衣上之祭服。索隱曰收收冕名其色黃故曰黃收象古質素也純讀曰緇。彤

車乘白馬能明馴德徐廣曰馴古訓字。索隱曰史記德能順人也案尚書作俊德孔安國云能明用俊德之士與此文意別也。以親九族九族既

睦便章百姓徐廣曰下云便程東作然則訓平為便也。鄭玄曰百姓羣臣之父子兄弟。索隱曰古文尚書作

平此文蓋讀平為浦耕反平既訓便因作便章其令文則訓辯遂為辯章鄭誕生本亦同也。百姓昭明合和萬

國乃命羲和孔安國曰重黎之後羲氏和氏世掌天地雖別為氏族而敬順昊天。正義曰敬猶恭勤也元氣昊

出白重黎也。敬順昊天然廣大故云昊天釋文云春為蒼天夏為昊天秋為旻天冬為上天而獨數法日月

星辰正義曰曆數之法日之甲乙月之大小昏明遮中之星日月所會之辰定其天數以為一歲之曆。

敬授民時索隱曰尚書作曆象日月則此言數法是訓星辰之早晚以敬授人時也。正義曰尚書考靈耀云

主春者張昏中可以種櫻主夏者火昏中可以種黍菽主秋者虛昏中可以種麥主冬者昴昏中可以收斂也。天子視四星之中知民緩急故云敬授民時也。分

命羲仲居郁夷曰暘谷尚書作嵎夷孔安國曰東表之地稱嵎夷日出於暘谷羲仲治

萬曆二十六年刊

史記卷一百一十九

九

九

九

九

九

九

九

東方之官。○索隱曰：史記舊本作湯谷，今並作尚書字。案淮南子曰：日出湯谷，浴於咸池，則湯谷亦有他證明矣。又下曰：昧谷，徐廣云一作柳柳，亦曰入處，地名。太史公博採經記而為此史，廣記異聞，不必皆依尚書。蓋郁夷亦地之敬道日出，便程東作均次序，東作之事以務別名也。

○索隱曰：劉伯莊傳皆依古史作乎，秩音然尚書大傳曰：辯秩東作，則是訓秩為程言，便課其作程者也。○正義曰：道音導，便程並如字。後同導，訓也。三春主東，故言日出耕作在春，故言東作。命義仲恭勤道訓萬民，東作之事，日中星鳥以殷中春。孔安國曰：日中謂春分，宿也。殷正也。春分之昏鳥星畢見，以正仲春之氣節，轉以推孟季則可知也。○正義曰：下中音仲，夏秋冬並同。

其民析鳥獸字微。孔安國曰：春事既起，丁壯就功，言其尾字說文云：申命義叔居南交。治南方之官也。○索隱曰：孔註未是，然則冬與秋交，何故下無其文？且東隅夷西時谷北幽都三方皆言地，而夏獨不言地，乃云與春交，斯不例之甚也。然南方地有名交趾者，或古文略舉一字名地，南交則是交趾不疑也。

便程南。敬致。孔安國曰：譌化也。平序分南方化育之事，敬行其教，以致其功也。○正義曰：譌音千，偽。命義叔宜恭勤民事，致其種。日未星火以正中夏。孔安國曰：未長，殖使有程期也。

火蒼龍之中星，舉中則七星見，可知也。以正中夏之節，馬融王肅謂日長晝漏六十刻，鄭玄曰：五十五刻。其民因鳥獸希革。孔安國曰：因謂老弱，因就在田之丁壯也。革改。申命和仲居西土。徐廣曰：一無土字，以為西者，今者隴西之西，今曰昧谷。徐廣曰：一作柳谷，駟案孔安國人謂之兌山。曰昧谷。曰日入于谷而天下真，故曰昧谷。此居治西方之政也。

敬道日人便程西成。孔安國曰：秋酉，官掌秋天之政也。

夜中星虛以正中秋。孔安國曰：春言日，秋言夜，互相備也。虛玄武之中星，亦言七星皆以秋分日見，以正三秋也。○索隱曰：虛舊依字讀，其民夷而鄒誕生音墟，案虛星主墳墓，鄒氏頗得其理。

萬曆二十六年刊
史記卷一
帝紀十一

易鳥獸毛毯

孔安國曰夷平也老壯者在田與

申命和

叔居北方曰幽都

孔安國曰北稱幽都謂所聚也○索隱曰案山海經曰北海之內有山名

幽都蓋是也

便在伏物

索隱曰使和叔察北方藏伏之物謂人畜積聚等冬皆藏伏尸子亦曰北

方者伏方也尚書作平在朔易今案大傳云便在伏物太史公據之而書

日短星昴以正中

冬

孔安國曰日短冬至之日也昴白虎之中星亦以七星並見以正冬節也馬融王肅謂日短書漏四寸刻

鄭玄曰四十五刻非

其民燠鳥獸氄毛

徐廣曰氄音茸駟案孔安國曰民入室處鳥獸皆室

氄氄細毛以自溫也

歲三百六十六日以閏月正四時

索隱曰夫周天三百

六十五度四分度之一是天度數也而日行遲一歲一周天月行疾一月一周天日一行一度月一行十

三度十九分度之七至二十九日半彊月行天一匝又逐反日而與會一年十二會是為十二月每月行天

日過半年分出小月六是每歲餘六日又次歲三百六十六日小歲三百六十五日舉金數云六十六日其實

一歲准餘十一日弱未滿三歲已成一月則置閏若三年不置閏則正月為二月九年差三月則以春為夏十

七年差六月則四時皆反以此四時不正歲不成矣故傳曰歸餘於終事則不悖是也

信飭百官

眾功皆興堯曰誰可順此事

正義曰言將登用之嗣位也

放齊曰嗣

子丹朱開明

孔安國曰放齊臣名○正義曰放音方往反鄭玄云帝堯胤嗣之子名曰丹朱開明

也按開解而達也帝王紀云堯娶散宜氏女曰女皇生丹朱及豷紀年云后稷放帝子丹朱范汪荆州記云丹

水縣在丹川堯子朱之所封也括地志云丹朱故堯曰城在鄧州內鄉縣西南百三十里丹朱故為縣

吁頑凶不用

孔安國曰吁疑怪之辭○正義曰左傳云口不道忠信之言為嚚心不則德義之經

為頑凶訟也言丹朱心既頑嚚又好爭訟不可用之

堯又曰誰可者謹堯曰共工

旁聚布功可用

孔安國曰謹堯臣名鄭玄曰共工堯曰水官名○正義曰堯音斗侯反

共工善言其用僻似恭漫天不可堯又曰嗟四嶽曰四

嶽四時官主方嶽之事。正義曰：嗟嘆鴻水問四嶽誰能理也。孔安國云：四嶽即上義和四子也。分掌四嶽之諸

侯故稱焉。湯湯洪水滔天，浩浩懷山襄陵。正義曰：湯，音商。今讀如字，蕩蕩廣平之貌。言水奔突有所滌除，地

上之物為水漂流蕩蕩然。按懷藏包裹之義，故懷為包。釋言以襄為駕，駕乘牛馬皆在上也。下民其憂有能使

治者皆曰：鯨可堯，曰鯨負命，毀族不可。正義曰：負，音佩。依字通，負違也。

族類也。鯨性狼戾，違負致命，毀敗善類不可用也。詩云：貪人敗類也。嶽曰：異哉，試不可用

而已。正義曰：異，音異。孔安國云：異已已退。堯於是聽嶽

用鯨九歲，功用不成。正義曰：爾雅釋文云：載歲也。夏曰

紀事不相襲也。孫炎云：歲取星行一次也。祀取四時祭

祀一訖也。年取年穀一熟也。載取萬物始更終也。載者

年之別名，故以載為年也。按功用不成，水害不息，故堯

曰：嗟四嶽朕在位七十載，汝能庸命，踐朕位。鄭玄曰：言

中有能順事用天命者，令處我位，統治天子之事者乎。

正義曰：孔安國云：堯年十六，以唐侯升為天子，在位

七十載，時八十。嶽應曰：鄙德忝帝位。堯曰：悉舉貴戚及

疏遠隱匿者，眾皆言於堯曰：有矜在民間。曰：虞舜。孔安

無妻曰矜。正義曰：然朕聞之，其何如。嶽曰：盲者子父

義曰：矜古頑反。堯曰：吾其試哉。於是堯妻之。

頑，毋鬻弟，傲能和，以孝烝烝，治不至姦。正義曰：烝之升

母，鬻弟，傲，舜皆和以孝進。堯曰：吾其試哉。於是堯妻之。

二女。正義曰：妻音十。計反。二女，娥皇女英也。娥皇無

其德於二女。正義曰：視其為德行於舜，飭下二女於媯

汭。孔安國曰：舜所居媯水之汭。正義曰：飭音勅。下音

胡。亞反。汭音芮。舜能整齊二女，以義理下二女之心。

萬曆二十六年刊。史記卷一百一十一。周本紀第十一。

於媯泗使行婦道於虞氏也括地志云媯源泗水出蒲
州河東南山許慎云水涯曰泗按地記云河東郡青山
東山中有二泉下南流者媯水北流者泗水二水異原
合流出谷西注河媯水北曰泗也又云河東縣二里故
蒲坂城舜所都也城中有舜廟城外有舜宅及二妃壇
如婦禮堯善之乃使舜慎
和五典鄭玄曰五典五教也蓋試以司徒之職五典能從乃徧入百官百

官時序賓於四門四門穆穆諸侯遠方賓客皆敬馬融曰四

門四方之門諸侯羣臣朝者舜賓迎之皆有美德也堯使舜入山林川澤暴風雷

雨舜行不迷索隱曰尚書云納于大麓穀梁傳云林屬於山曰麓是山足曰麓故此以為入山林

不迷孔氏以麓訓錄言令舜堯以為聖召舜曰女謀事

至而言可績三年矣女登帝位舜讓於德不擇徐廣曰音亦今

文尚書作不怡怡懌也○索隱曰古文作不嗣今文作不怡怡即懌也謂辭讓於德不堪所以心意不悅懌也

正月上日馬融曰上日朔日也○正義曰鄭玄云帝王易代莫不改正建朔舜正建子此時未改換

依堯正舜受終於文祖文祖者堯大祖也鄭玄曰文祖者五府之大

名猶周之明堂○正義曰舜受堯終帝之事於文祖也

尚書帝命驗云帝者承天立府以尊天重象也五府者

唐虞謂之天府夏謂之正室殷謂之重室周謂之明堂

皆祀五帝之所也文祖者赤帝燔怒之府名曰文祖火

精光明文章之祖故謂之文祖周曰明堂神斗者黃帝

合樞紐之府名曰神斗斗主也土精澄靜四行之主故

謂之神斗周曰太室顯紀者白帝招拒之府名顯紀紀

法也金精斷割萬物故謂之顯紀周曰總章玄矩者黑

帝光紀之府名曰玄矩矩法也水精玄昧能權輕重故

謂之玄矩周曰玄堂靈府者蒼帝靈威仰之府名曰靈

府周曰於是帝堯老命舜攝行天子之政以觀天命舜

乃作璿璣玉衡以齊七政鄭玄曰璿璣玉衡渾天儀也七政日月五星也○正義曰說文云璿赤玉也按舜雖受堯命猶不自安更以璿璣王衡以正天文幾為運轉衡為橫簫運幾使動於下以

衡望之是王者正天文器也觀其齊與不齊今七政齊則已受禪為是祭豈云正衡長八尺孔徑一寸下端望之以視星宿並懸璣以象天而以衡望之轉璣遂類於窺衡以知星宿幾徑八尺圓周二尺五寸而強

上帝 鄭玄曰禮祭上帝於圓丘。正義曰五經異義云非時祭天謂之類言以事類告也時舜告攝非常祭也王制云天子將出類于上帝鄭玄禮于六宗鄭玄云昊天上帝謂天皇大帝北辰之星

禮于六宗 鄭玄曰六宗星辰司中司命風師雨師也駟案六宗義聚愚謂鄭說為長。正義曰周語云精意以享曰禮也按星五星緯也辰日月所會十二次也司中司命文昌第五第四星也風師箕星也雨師畢星也禮祭法云埋少牢於太昭祭時也禳祈於坎壇祭寒暑也王宮祭日也夜明祭月也幽祭祭星雩祭祭水旱也司馬彪續漢書云安帝立六宗祀於洛陽城西北亥地禮比大社魏因之至望晉初荀顛言新祀以六宗之神諸家說不同乃廢之

望于山川 正義曰望者遙望而祭山川也山川辯於羣神徐廣曰辯音班駟案鄭玄曰羣神若丘揖五瑞擇吉月陵墳衍。正義曰辯音遍謂祭羣神也

日見四嶽諸牧班瑞 馬融曰揖斂也五瑞公侯伯子男牧斂之使舜親往班之。正義曰揖音集周禮典瑞云王執鎮圭尺二寸公執桓圭九寸侯執信圭七寸伯執躬圭五寸子執穀璧男執蒲璧皆五寸言五瑞者王不在中也孔文詳云宋末會稽脩禹廟於廟庭山土中得五等圭璧百餘枚形與周禮同若短小此即禹會諸侯於會稽執以禮山神而埋之其璧今猶有在也

歲二月東巡狩至於岱宗柴 馬融曰舜受終後五年之二東嶽者考望秩於山川正義曰乃以秩望祭東方諸侯績柴燎也望秩於山川境內之名山大川也言秩者五岳視三公四遂見東方君長合時月正日正義曰既見瀆視諸侯

遂見東方君長合時月正日 正義曰既見合同四時氣節月之大小日之甲乙使齊一也周禮太史掌正歲年以序事頒正朔於邦國則節氣晦朔皆天子頒之猶恐諸侯國異或不齊同因巡狩合正之

同律度量衡 正義曰漢律志云虞書云同律度量衡所以齊遠近立民信也律有十二陽六為律陰六為呂律以統氣類物一曰黃鍾二曰太簇三曰姑洗

四曰蕤賓五曰蕤則六曰無射呂以旅陽宣氣一曰林鍾二曰南呂三曰應鍾四曰大呂五曰夾鍾六曰中呂度者分寸尺丈引也所以度長短也本起黃鍾之管長以子穀秬黍中者一黍為一分十分為一厘十分為一毫十尺為丈十丈為引而五度審矣量者合升斗斛也所以量多少也本起黃鍾之龠以子穀秬黍中者千有二百實為一龠十龠為合十合為升寸升為斗十斗為斛而五量嘉矣衡權者銖兩斤鈞石也所以稱物輕重也本起於黃鍾之一龠容千二百黍重十二銖一十四銖為兩十六兩為斤三十斤為鈞四鈞為石而五權謹矣衡平也

脩五禮 正義曰周禮以吉禮事邦國之鬼神國以軍禮同邦國以嘉禮親萬民也尚書堯典云類于上帝吉禮也如喪考妣凶禮也羣后四朝賓禮也大禹謨云汝徂征軍禮也堯典云五王鄭玄曰即五瑞也執女于時嘉禮也女音文慮反

五王 鄭玄曰即五瑞也執者高陽氏後用亦繪高辛氏後用黑繪其餘諸侯皆用白繪○正義曰孔安國云諸侯世于執纁公之孤執玄附庸之君執黃也按三統紀推伏歲為天統色尚

赤神農為地統色尚黑黃帝為人統色尚白少昊黃帝子亦尚白故高陽氏又天統亦尚赤堯為人統故用白

二生 正義曰羔鴈也鄭玄注周禮大宗伯云羔小羊也取其羣不失其類也鴈取其候時而行也卿執羔大夫執鴈按羔鴈一死正義曰維也馬融云死雉士性馴可生為贄

一死 正義曰維也馬融云死雉士取其守介死為擊 正義曰擊音至擊執也鄭玄如五器不失節也 云贄之言至所以自致也

卒乃復 馬融曰五器上五王五王禮終則還之三帛五已下不還也○正義卒音子律及復音伏

月南巡狩八月西巡狩十一月北巡狩皆如初歸至于祖禰廟 正義曰禰音乃禮反何休用特牛禮五歲一巡 正義曰禰音乃禮反何休用特牛禮五歲一巡 鄭玄曰父死曰考廟曰禰 鄭玄曰巡狩之年諸侯見於方嶽之下徧符羣后四朝 其間四年四萬諸侯分來朝於京師也 徧告以言 正義曰徧音遍言徧 明試以功車服以庸 正義告天子治理之言也

肇十有二州決川 馬融曰禹平水 安國云功成則錫車 肇十有二州決川 土置九州舜以服以表顯其能用也

萬曆二十六年刊

史記卷二

帝紀

六

冀州之比廣夫分置并州燕齊遼遠分燕
置幽州分齊為營州於是為十二州也
象以典刑

○正義曰孔安國云象法也法用常刑
不越法也

流宥五刑 馬融曰流放宥寬也一曰
勿步二曰老耄三曰

國云以流放之法寬五刑也鄭玄云三
宥一曰弗識二曰過失三曰遺忘也

鞭作官刑 馬融曰為

辨治官事 **扑作教刑** 鄭玄曰扑
罰楚也

者為刑 **金作贖刑** 馬融曰為

黃金也意善功惡使出 **青裁過赦**
鄭玄曰青裁為人作

金贖罪坐不戒慎者 **害則怙終賊刑**
鄭玄曰怙其姦邪終身

殺之 **之靜哉** 徐廣曰今又云惟刑之
謐哉爾雅曰謐靜也○

謐聲近遂 **謹堯進言共工** 正義曰
謹堯渾沌也共工窮

左傳云舜臣堯流四凶 **堯曰不可而試之工師**
正義曰

授諸四裔以禦魍魎也

今大匠 **共工果淫辟四獄舉鯀治鴻水堯以為不可**
也

彊請試之試之而無功故百姓不便三苗
也○正義曰

左傳云自古諸侯不用王命真有三苗
夏有觀磨孔安

國云縉雲氏之後為諸侯號饗饗也吳起云三苗之國
左洞庭而右彭蠡按洞庭湖名在岳州巴陵西南一里

南與青草湖連彭蠡湖名在江州潯陽縣東南五十二
里以天子在北故洞庭在西為左彭蠡在

東為右今江州鄂州岳州三苗之地也 **在江淮荆州**
正義曰淮讀曰匯音胡罪反今彭蠡湖也本屬

荆州尚書云南入于江東匯澤為彭蠡是也 **數為亂**
於是舜歸而言於帝請流共工于幽陵

尚書及大戴禮皆作幽州括地志云故龔城在檀州燕
樂縣界故老傳云舜流共工幽州居此城神異經云西

比荒有人焉人面朱鬚蛇身人手 **以變北狄放驩堯於**
足而食五穀禽獸頑愚名曰共工 **崇山以變南蠻遷三苗於三危以變西戎殛鯀於羽山**

以變東夷四皐而天下咸服堯立七十年得舜二十年

而老令舜攝行天子之政薦之於天堯辟位凡二十八

年而崩馬融曰崇山南裔也。正義曰神異經云南方

行食海中魚為人很惡不畏風雨獸犯死乃休名曰譚

兜也。○馬融曰三危西裔也。正義曰括地志云三危

山有峰故曰三危俗亦名卑羽山在沙州敦煌縣東南

三十里神異經云西荒中有人焉面目手足皆人形而

略下有翼不能飛為人饕餮淫逸無理名曰苗民又山

海經云大荒北經黑水之北有人有翼名曰苗民也。

馬融曰殛誅也羽山東裔也。○正義曰殛音紀力反堯

安國云殛竄放流皆誅也括地志云羽山在沂州臨沂

縣界神異經云東方有人焉人形而身多毛自解水土

知通塞爲人自用欲爲欲息皆曰云是鯀也。徐廣曰

堯在位凡九十八年駟案皇覽曰堯冢在濟城陰劉向

曰堯葬濟陰丘隴山呂氏春秋曰堯葬穀林皇甫謐曰

穀林卽城陽堯都平陽於詩爲唐國。○正義曰皇甫謐

云堯卽位九十八年通舜攝二十八年也凡年百一十

七歲孔安國云堯壽百一十六歲括地志云堯林在濮

州雷澤縣西三里郭生述征記云城陽縣東有堯冢亦

曰堯陵有碑是也括地志云雷澤縣本漢城陽縣也

百姓悲哀如喪父母三年四

方莫舉樂以思堯堯之子丹朱之不肖不足授天下

曰鄭玄曰肖似也不似言不知人也皇甫謐云堯娶散

宜氏之女曰女皇生丹朱又有庶子九人皆不肖也

授舜則天下得其利而丹朱病授丹朱則天下病而丹

朱得其利堯曰終不以天下之病而利一人而卒授舜

以天下堯崩三年之喪畢舜讓辟丹朱於南河之南

曰南河九河之最在南者。正義曰括地志云故堯城

在濮濟鄆城縣東北十五里竹書云昔堯德衰爲舜所

囚也又有偃朱故城在縣西北十五里竹書云舜囚堯

復偃塞丹朱使不與父相見也按濮州北臨濮大川也

河在堯都之南故曰南河禹貢至于南河是也其

偃朱城所居卽舜讓避丹朱於河南之南處也

諸侯

萬曆二十六年刊

帝紀

一

一

一

一

一

一

一

一

一

一

一

朝覲者不之丹朱而之舜獄訟者不之丹朱而之舜謳歌者不之丹朱而之舜踐天子位焉是為帝舜

虞舜者

諡法曰仁聖盛明曰舜。索隱曰虞國名在河東太陽縣舜諡也皇甫謐云舜字都君也。正義曰括地志云故虞城在陝州河北縣東北五十里虞由之上鄜元注水經云幹橋東北有虞城堯以女嬪于

虞之地也又宋州虞城大襄國所封之邑杜預云舜後諸侯也又越州餘姚縣顧野王云舜後支庶所封之地舜姚姓故云餘姚縣西七十里有漢上虞故縣會稽舊

記云舜上虞人去虞三十里有姚丘即舜所生也周處風工記云舜東夷之人生姚丘括地志又云姚墟在濮州

徐廣曰皇甫謐云舜以堯之二十一年甲午即真百歲癸卯崩。正義曰尚書云重華協於帝

孔安國云華謂文德也言其光又重合於堯瞽瞍姓嬖

妻曰握登見大虹意感而生舜於姚墟故姓姚曰重瞳子故曰重華字都君龍顏大口黑色身長六尺一寸

重華父曰瞽叟

正義曰先后反孔安國云無目曰瞽瞍父有目不能分別好惡故時人謂之瞽

配字曰叟叟無目之稱也**瞽叟父曰橋牛**

正義曰橋牛父曰句望

正義句古侯反望音二**句望父曰敬康敬康父曰窮蟬窮蟬父曰**

帝顓頊顓頊父曰昌意以至舜七世矣自從窮蟬以至

帝舜皆微為庶人舜父瞽叟盲而舜母死

索隱曰皇甫謐云舜母名握登生舜於姚墟因姓姚氏也**瞽叟更娶妻而生象象傲瞽叟愛後妻**

子常欲殺舜舜避逃及有小過則受罪順事父及後母

與弟日以篤謹匪有懈舜冀州之人也

正義曰蒲州河東縣本屬冀州宋永初山川記云蒲坂城中有舜廟城外有舜宅及二妃壇括地志云媯州有媯水源自城中者舊傳云即舜

釐降二女於媯汭之所外城中有舜井城北有舜耕歷

歷山山上有舜廟未詳按媯州亦冀州城是也

山鄭玄曰在河東○正義曰括地志云蒲州河東縣雷

亦名襄山亦名甘棗山亦名猪山亦名狗頭山亦名蒲

州縣分之歷山南有舜井又云越州餘姚縣有歷山舜

井二所又有姚墟云生舜處也及媯州歷山舜井皆云

舜所耕處鄭玄曰雷夏兗州澤今屬濟陰○正

未詳也義曰括地志云雷夏澤在濮州雷澤

縣郭外西北山海經云雷澤有陶河濱皇甫謐曰濟陰

雷神龍首人頰鼓其腹則雷也定陶西南陶丘

亭是也○正義曰按於曹州濱河作瓦器也括地志云

陶城在蒲州河東縣北三十里即舜所都也南去歷山

不遠或陶所在則可何必定陶皇甫謐

方得為舜陶之陶也斯或一焉曰在魯

東門之北○索隱曰什器什數也蓋人家常用之器非

一故以十為數猶今云什物也壽丘地名黃帝生處○

正義曰壽音受顏師古云軍法伍人為伍二伍為什則

共器物故謂生生之具為什器亦猶從軍及作役者十

人為火共鄭玄曰負夏衛地○索隱曰就

就時於負夏時猶逐時若言乘時射利也尚

書大傳曰貶於頓立就時負夏孟子曰遷於負夏是也

皆欲殺舜舜順適不失子道兄弟孝慈欲殺不可得即

求嘗在側舜年二十以孝聞三十而帝堯問可用者四

嶽咸薦虞舜曰可於是堯乃以二女妻舜以觀其內使

九男與處以觀其外舜居媯汭內行彌謹堯二女不敢

以貴驕事舜親戚正義曰親戚謂父瞽叟後母弟

婦道堯九男皆益篤舜耕歷山歷山之人皆讓畔漁雷

澤雷澤上人皆讓居陶河濱河濱器皆不苦窳索隱曰

反馴謂窳病也○正義曰苦音游甫

讀如監音古監窳也窳音庾正義曰

萬曆二十六年刊

史記卷一

帝紀

一

反謂村 二年成邑 三年成都 正義曰周禮郊野法云九落也

立四丘為甸四甸為縣四縣為都也 堯乃賜舜絺衣與琴 正義曰絺勅遲反細葛布衣也

鄒氏音竹几反 為築倉廩予牛羊瞽叟尚復欲殺之使舜上塗

廩瞽叟從下縱火焚廩舜乃以兩笠自扞而下去得不

死 索隱曰言以笠自扞已身有似鳥張翅而輕下得不損傷皇甫謐云兩繳繳笠類列女傳云二女教舜鳥

工上廩是也。正義曰通史云瞽叟使舜滌廩舜告堯二女女曰時其焚汝鵲汝衣裳鳥工往舜既登廩得免

去 也 後瞽叟又使舜穿井舜穿井為匿空旁出 索隱曰空音孔列女

傳所謂龍工入井是也。正義曰言舜潛匿穿孔旁從他井而出也通史云舜穿井又告二女二女曰去汝裳

衣龍工往入井瞽叟與象下土實井舜從他井出去也括地志云舜井在媯州懷戎縣西外城中其西又有一井者舊傳云並舜井也舜自中 舜既入深瞽叟與象共

下土實井舜從匿空出去瞽叟象喜以舜為已死象曰

本謀者象象與其父母分 正義扶問反 於是曰舜妻堯二女

與琴象取之牛羊倉廩予父母象乃止舜宮居鼓其琴

舜往見之象鄂不懌曰我思舜正鬱陶舜曰然爾其庶

矣 索隱曰言汝猶當庶幾於友悌之情義也如孟子取尚書文又云惟茲臣庶女其于予治蓋欲令象共我

理臣庶也 舜復事瞽叟愛弟彌謹於是堯乃試舜五典百官

皆治昔高陽氏有才子八人世得其利謂之八愷 賈逵曰愷

和也。索隱曰左傳史克對季文子曰昔高陽氏有才子八人倉舒饋醴禱戴大臨雁降庭堅仲容叔達 高

辛氏有才子八人世謂之八元 賈逵曰元善也。索隱曰左傳高辛氏有才子

八人伯奮仲堪叔獻季仲伯虎仲熊叔豹季狸 此十六族者世濟其美 索隱曰謂无愷

各有親族故稱族也濟成也言後代成前代也不隕其名至於堯堯未能舉舜

舉八愷使主后土王肅曰君治九土之宜材預曰后土地也。索隱曰禹為司空司空主土

則禹在人愷之中以揆百事莫不時序正義曰言禹度九土之宜無不以時得其次序

也舉八元使布五教于四方索隱曰契為司徒司徒敷五教則契在八元之數

父義母慈兄友弟恭子孝內平外成正義曰杜預云內諸夏外夷狄也按

契作五常之教諸夏太平夷狄向化也昔帝鴻氏有不才子賈逵曰帝鴻子其苗裔

掩義隱賊好行凶慝天下謂之渾沌正義曰渾沌惡也

一本云天下之民謂之渾沌渾沌即謹也杜預云渾沌不開通之貌神異經云崑崙西有獸焉其狀如犬長

毛四足似羆而無爪有目而不見行不開有兩耳而不聞有人知往有腹無五藏有腹直短食徑過人有德行

而往抵角有凶惡而行依憑之名渾沌又莊子云南海之帝為儵忽中央之帝為渾沌儵忽時相遇於渾沌之

地渾沌待之甚善儵忽謀欲報渾沌之德曰人皆有七竅以視聽食息此獨無有嘗試鑿之曰鑿一竅七日

而渾沌死按言講堯性似故號之也少皞氏有不才子毀信惡忠崇飾惡

言天下謂之窮奇服虔曰謂共工氏也其行窮而好奇

似虎有翼能飛便勦食人知人言語聞人鬪輒食直者聞人忠信輒食其鼻聞人惡逆不善輒殺獸往饋之名

曰窮奇按言共顯頊氏有不才子不可教訓不知語言

正性似故號之顯頊氏有不才子不可教訓不知語言

天下謂之檮杌賈逵曰檮杌頑凶無疇匹之貌謂鯀也

異經云西方荒中有獸焉其狀如虎而大毛長二尺八面虎足猪口牙尾長一丈八尺攪亂荒中名檮杌一名

儼儼一名難訓按此三族世憂之至于堯堯未能去緒

言鯀性似故號之此三族世憂之至于堯堯未能去緒

雲氏有不才子賈逵曰縉雲氏姜姓也炎帝之苗裔當黃帝時在縉雲之宮也。正義曰今括

州縉雲縣蓋其所封也書云縉赤縉也此以上四處皆左傳文或本有並文次相類四凶故書之恐本錯脫耳

謂三苗也言貪飲食冒貨賄故謂之饕餮神異經云西南有人焉身多毛上頭戴豕性很惡好息積財而不用善奪人穀物強者畏羣而單名饕餮言三苗性似故號之貪於飲食冒于貨賄天下

謂之饕餮天下惡之比之三凶杜預曰非帝子孫故舜別之以此三凶也

賓於四門正義曰杜預云關四門達四聰以賓眾賢之也乃流四凶族遷于四

裔以御魍魎賈逵曰四裔之地去王城四千里服虔曰魍魎人面獸身四足好惑人山林異氣所主以為人害○正義曰御音魚呂反魍音丑知反魎音媚按御魍魎恐更有邪詭之人故流放四凶以御之也故下云無

於是四門辟言母凶人也舜入于大麓烈風雷雨不迷堯乃知舜之足授天下堯老使舜攝行天子政巡狩舜得舉用事二十年而堯使攝政攝政八年而堯崩三年喪畢讓丹朱天下歸舜而禹臯陶契后稷伯

夷夔龍垂益彭祖索隱曰彭祖即陸終氏之第三子鐘鏗之後後為大彭亦稱彭祖○正義曰高姚二音臯陶字庭堅英六二國是其後也契音薛殷之祖也伯夷齊太公之祖也夔巨龜反樂官也倕音垂亦作垂內言之官也益伯翳也即秦趙之祖彭祖自堯時舉用歷夏殷封於大彭

舉用未有分職正義曰分音符問反如字分謂封疆爵土也於是舜乃至於

文祖謀于四嶽辟四門明通四方耳目命十二牧論帝德行厚德遠佞人則蠻夷率服舜謂四嶽曰有能奮庸美堯之事者使居官相事皆曰伯禹為司空可美帝功

舜曰嗟然禹汝平水土維是勉哉禹拜稽首讓於稷契與臯陶舜曰然往矣鄭玄曰然其舉得其人汝往居此官不聽其所讓也舜曰棄

黎民始饑徐廣曰今文尚書作祖饑祖始也○索隱曰古文作阻饑孔氏以為阻難也祖阻聲相近

萬曆二十六年刊
史記卷一
帝紀

未知汝后稷播時百穀鄭玄曰時讀曰時。正義曰稷農官也播時謂順四時而種百

穀舜曰契百姓不親五品不馴汝為司徒而敬敷五教

在寬舜曰臯陶蠻夷猾夏寇姦軌鄭玄曰由內為姦起外為軌。正義

亦作汝作士馬融曰獄官之長。正義曰大理卿也。正五刑有服正義曰

云服從也言輕重之中正也按墨點鑿其額涅以墨劓截鼻也刑刑足也宮淫刑也男子割勢婦人幽閉也大

辟死五服三就馬融曰五刑墨劓刑宮大辟三就謂大

刑也五服三就罪陳諸原野次罪於市朝同族適甸師

氏既服五刑五流有度正義曰度音徒洛反尚書作宅

當就三處五度三居正義曰按謂度其遠維明能信馬融曰謂

也不忍刑宥之以遠五等之差亦有二等之居大罪投四

裔次九州之外次中國之外當明其罪能使信服之

舜曰誰能馴予工皆曰垂可於是垂為共工舜曰誰

能馴予上下草木鳥獸馬融曰上謂皆曰益可於是

益為朕虞馬融曰虞掌益拜稽首讓于諸臣朱虎熊羆

索隱曰即高辛氏之子伯虎仲熊也。正義曰孔安國

云朱虎熊羆二臣也垂益所讓四人皆在元凱之中也

舜曰往矣汝諧遂以朱虎熊羆為佐正義曰為舜曰嗟

四獄有能典朕三禮馬融曰三禮天神皆曰伯夷可舜

曰嗟伯夷以汝為秩宗鄭玄曰主秩尊卑。正義曰

太常曰秩宗依古也孔安國云秩宗尊也主郊廟之官也夙夜維敬直哉維靜潔

正義曰靜清也潔明也孔安國云職典禮施政教使正直而清明伯夷讓夔龍舜曰然

其推賢不許其讓也以夔為典樂教禘子鄭玄曰國子

曹子孔安國曰禘曹聲相近。正義曰禘曹雉反孔安

國云曹長子謂元子以下至卿大夫子弟也歌詩蹈之

舞之教長國子直而溫寬而栗剛而無虐簡而無傲正義

中和祗庸孝友曰孔安國云剛失之虐簡詩言意歌長言馬融曰歌所

失之傲教之以防其失也也聲依永律和聲鄭玄曰聲之曲折又依八音能諧毋

相奪倫神人以和鄭玄曰祖考來格羣夔曰於予擊石

拊石百獸率舞鄭玄曰百獸服不氏所養者也率舞言

磬音之清者拊亦擊也舉清者和則其餘皆從矣樂感

百獸使相率而舞則神人和可知也按磬一片黑石也

下音福尤反周禮云夏官有服不氏掌服猛舜曰龍朕

畏忌讒說珍偽振驚朕眾徐廣曰一云齊說珍行振驚

而行違是驚動我命汝為納言夙夜出入朕命惟信舜

曰嗟女二十有二人馬融曰稷契皋陶皆居官久有成

已下皆初命凡六人與上十二牧四嶽凡二敬哉惟時

相天事三歲一考功三考細陟遠近眾功咸與分北三

苗鄭玄曰所竄三苗為西裔諸此二十二入咸成厥功

皋陶為大理平正義曰皋陶作士民各伏得其實伯夷

主禮上下咸讓垂主工師正義曰工匠若百工致功益

主虞山澤辟正義曰婢棄主稷百穀時茂契主司徒百

姓親和龍主賓客遠人至十二牧行而九州莫敢辟違

正義曰禹九州之民無唯禹之功為大披九山正義曰

敢辟違舜十二牧也通九澤決九河定九州各以其職來貢不

失厥宜方五千里至于荒服南撫交趾北發索隱曰西

山邊以通萬曆二十六年刊

戎析枝渠廈氏羌索隱曰此言帝舜之德皆撫及四方夷北山戎發息慎或謂之肅慎

東北東長鳥夷索隱曰此言帝舜之德皆撫及四方夷

夷方有地名北戶又按漢書北發是北方國名今以此發

為南方之國誤也此文省略四夷之名錯亂西戎上少

一西字山戎下少一北字長字下少一夷字長夷也鳥

夷也其意宜然今案大戴禮亦云長夷則長是夷號又

云鮮支渠搜則鮮支當此析枝也鮮折音相近鄒氏劉

氏云息並音肅非也且夷狄之名古書不必皆同今讀

如字也○正義曰注鳥或作鳥括地志云百濟國西南

南大海中島居凡百餘小國在京南萬四海之內咸戴

三千五百里披武后改倭國為日本國

帝舜之功於是禹乃興九招之樂索隱曰招音韶即舜

招致異物鳳皇來翔天下明德皆自虞帝始舜年二十

以孝聞年三十堯舉之年五十攝行天子事年五十八

堯崩年六十一代堯踐帝位皇甫謐曰舜所都或言蒲

上谷也○正義曰括地志云平陽皆晉州城是也蒲今

媯州城是也蒲坂今蒲州南二里河東縣界蒲坂故城

是也踐帝位三十九年南巡狩崩於蒼梧之野葬於江南

九疑是為零陵皇覽曰舜冢在零陵營浦縣其山九谿

之耕禮記曰舜葬蒼梧二妃不從山海經曰蒼梧山帝

舜葬于陽丹朱葬於陰皇甫謐曰或曰二妃葬衡山

舜之踐帝位載天子旗往朝父瞽叟夔夔唯謹如子道

封弟象為諸侯孟子曰封之有厚音鼻○正義曰帝王

神在道縣北六十里故老傳云舜葬九疑象來至此後

人立祠名為鼻亭神輿地志云零陵郡應陽縣東有山

山有象廟王隱晉書云此大泉陵舜子商均亦不肖

縣北都東五里有鼻墟象所封也

謚曰娥皇無子女英生商均○正義曰譙周云以虞封

舜子今宋州虞城縣括地志云虞國舜後所封邑也或

云封舜子均於舜乃豫薦禹於天索隱曰謂告天十七

年而崩三年喪畢禹亦乃讓舜子如舜讓堯子正義曰

冊朱舜子商均皆有疆土以奉先祀謙周曰以唐封堯

子。索隱曰漢書律曆志云封堯子朱於丹淵為諸侯

商均封虞在梁國今虞城縣也。正義曰括地志云定

州唐縣堯後所封宋州服其服禮樂如之以客見天子

正義曰為天子弗臣示不敢專也自黃帝至舜禹皆

同姓而異其國號以章明德徐廣曰外傳曰黃帝二十

姓姬又十一人為十一姓酉祁已滕蒧任荀釐姁嫫衣

是也餘十二姓故黃帝為有熊帝顓頊為高陽帝譽為

高辛帝堯為陶唐韋昭曰陶唐皆國名猶湯稱殷商矣

也帝舜為有虞皇甫謐曰舜嬪于虞因以為氏帝禹為

夏后而別氏姓姁氏契為商姓子氏索隱曰禮緯曰禹

生禹因姓姁氏而契姓子氏棄為周姓姬氏鄭玄駁許

者亦以其母吞鬻子而生慎五經異

義曰春秋左傳無駭卒羽父請諡與族公問族於眾仲

眾仲對曰天子建德因生以賜姓辟之士而命之氏諸

侯以字為氏因以為族官有世功則有官族邑亦如之

公命以字為展氏以此言之天子賜姓命氏諸侯命族

族者氏之別名也姓者所以統繫百世使不別也氏者

所以別子孫之所出故世本之篇言姓則在上言氏則

在下太史公曰正義曰太史公曰先人有言又云太史公曰

余聞之董生又云太史公遭李陵之禍明太史公曰馬

遷自號也遷為太史公官題贊首也虞意云古者主天

官者皆上學者多稱五帝尚矣然尚書獨載堯以來而

公非獨遷萬曆二十六年刊 史記卷一 帝紀 三

百家言考 其文不雅馴 正義曰馴訓也謂百家之言皆非典雅之訓 薦紳

先生難言之 徐廣曰薦紳即縉紳也古字假借 孔子所傳宰予問五帝

德及帝繫姓 正義曰繫音奚計反五帝德及帝繫姓皆大戴禮文及孔子家語篇名漢儒者以二

書非經恐不是聖人 索隱曰五帝德帝繫之言故或不傳學也 儒者或不傳 索隱曰五帝德帝繫

家語篇名以二者皆非正經故漢時儒 余嘗西至空峒

者以為非聖人之言故多不傳學也 正義曰余太史公自稱也嘗會也空峒山在北過涿鹿

原州平高縣西百里黃帝問道於廣城子處 正義曰涿鹿山在媯州東南五十里 東漸於海南浮江

山側有涿鹿城即黃帝堯舜之都 准矣至長老皆各往往稱黃帝堯舜之處風教固殊焉

總之不離古文者近是 索隱曰古文即帝德帝系二書也近是聖人之說 予觀

春秋國語其發明五帝德帝繫姓章矣顧弟弗深考 徐廣

曰弟但地更說漢書見此者非一又左思蜀都賦曰善 如滇池而不詳者多以爲字誤學者安可不博觀乎

其所表見皆不虛 索隱曰言帝德帝系所有表見者皆不爲虛妄也 書缺有間

矣 正義曰言古文尚書缺失其間多矣而無說黃帝之語 其軼乃時時見於他說

索隱曰言古典殘缺有年載故曰有間然帝德遺事敬 軼乃時時旁見於他記說即帝德帝系等說也故已今

採按而備論黃 帝已來事耳 非好學深思心知其意固難爲淺見寡

聞道也余并論次擇其言尤雅者故著爲本紀書首 正義

曰太史公據古文并諸子百家論次擇其言語典雅者故著爲五帝本紀在史記百三十三篇書之首

索隱述贊曰

帝出少典 居于軒丘 既代炎曆

遂禽蚩尤 高陽嗣位 靜深有謀

小大遠近

莫不懷柔

爰泊帝學

列聖同休

帝摯之弟

其號放勳

就之如日

望之如雲

郁夷東作

昧谷西曛

明敷仄陋

玄德升聞

能讓天下


賢哉二君

右述贊之體深所不安何者夫叙事美功合有
首末懲惡勸善是稱褒貶觀太史公贊論之中
或國有數君或士兼百行不能備論終始自可
略申梗概遂乃頗取一事偏引一奇卽爲一篇
之贊將爲龜鏡誠所不取斯亦明月之珠不能

無類矣今並重爲一百三十篇之贊云

史記卷一終

史記卷一終



Handwritten Japanese characters, possibly a library or collection number, written vertically in the bottom left corner of the cover.